



宋元詩會卷之八十五

皖桐陳

焯默公輯選

後學程

仕松皋泰較



余闕

字廷心本唐兀氏夢異人居至武威以父沙刺藏性卜官合肥遂為
 合肥人母尹氏善談文惟甘六藝學若飴審與擢京兆張亨遊進
 嗜吳澄不知有肉味惟理關之學因以絕出擢元統張亨遊進
 乃第授同知子善談文惟理關之學因以絕出擢元統張亨遊進
 士書刑部主事當與當路議不合拂衣竟歸復翰林文字察
 中書無禮部言員外郎出為湖廣行省左右司郎中禍關弗
 御史知書禮部言員外郎出為湖廣行省左右司郎中禍關弗
 答改中書禮部言員外郎出為湖廣行省左右司郎中禍關弗
 丞沙班始行旋奉詔還翰侍衛出浙東廉訪司事丁
 言激之始行旋奉詔還翰侍衛出浙東廉訪司事丁
 母憂歸隱青陽山中至正壬辰天爵副使分治安慶安慶
 花統我淮南承制起關權淮西宣尉使分治安慶安慶
 距城皆依盜柵也關從問道入推赤心置腹中民翁然大
 四才來依盜柵也關從問道入推赤心置腹中民翁然大
 震諸若次第請降則盜繕安慶然獨存轉淮南政賊至輒
 敗却之是時淮西皆陷惟安慶然獨存轉淮南政賊至輒
 知政事尋改左丞賜絕二品服數失利戍誓死報國丁酉冬
 寇大集圍城樵餉絕二品服數失利戍誓死報國丁酉冬

猶率衆巷戰不勝遂自刎死年五十六其妻蔣氏年亦其率子惠臣女福童赴水死諸將卒從死者千餘人事章謚曰忠宣

擬古二首

替在西京日縱觀
質前聳皇皇九衢裏
列第起朱門借問所居
誰丞相大將軍
平明事遊謁車馬若雲屯
芍藥調羹鼎
狝狝鑄酒樽
頌聲美東魯
逸奏出西秦
迴風薄蘭氣
十里揚清芬
東家有狂生
容顏若中人
謬言擬宣尼
幽思切玄文
著書空自苦
名宦乃不振
悠悠千載下
安有楊子雲

昊天轉時律
大火西南馳
勁高發羣籟
白露降嚴威
攬衣起視
夜明月鑑薄
帷翩：征雁翔唧：寒蛩悲
紅蘭委芳采
拍葉亦離披
喬：千丈松
孤生泰山隈
凝霜裂其霄
層水斷其祗
摧殘若傾蓋
蒼翠終不移
草木有至性
明哲宜戒茲

白馬誰家子

白馬誰家子
綠轡縵瑚纓
腰間雙寶劍
璀璨雪光明
甫出金華省
還過五鳳城
君王賜顏色
七寶奉威聲
夜入瓊樓飲
金樽滿綉楹
燕姬陳屢舞
楚女奏鳴箏
慷慨願賓從
英風四座生
一朝富貴盡
不如秋草榮
黔婁雖貧賤
千載有餘名

天門山保寧知府楊丹作記

楊子博地志
名山屢出王
但言隱彌崇
冠峙嵩梁井
絡通遙甸天
經列鉅障
羣峰如菡萏
歷亂發金塘
玉壺既嶮嶮
天門迴開張
宛連紫蓋
母泉濺石牀
入門蔭修竹
中夏若寒霜
靈鳥多異色
中林皆妙香
耀真啓幽室
積石構瑤房
萬里秘冥粵
千秋阻秩望
惟應學仙侶
結桂共相羊

送劉伯溫之江西廉使

祖帳依山館車蓋何續紛使君驅馳馬衣上綉成文中坐陳綺
席羽觴流薄薰情多酒行急意促歌吹殷况我鄉邦友同館復
同羣初暘麗神皋遙望澄遠氛迴瞻望雙闕五色若卿雲蒼茫
歲年徂東西岐路分道長會日遠何以奉殷勤惟有凌霜相天
寒可贈君

秋興亭

涉江登危榭引望二川流雒城共臨水兩岷起飛樓漢渚浚初
綠江皋迴易秋金風揚素浪丹霞麗綠舟登高及佳日能賦命
良儔御者奉旨酒庖人供膳羞為一山水媚能合車騎留為語
同懷者倘遊即來遊

九日鄂渚登高

南州理秋旻嘉節協乾陽爰與幕中友臨眺沙崇岡維時天氣
肅芬菊已沾霜雷、風振谷淒、日在房高雲歛楚岫曜景遊
川梁微徑出丹林列坐泛金觴佳賓未會合良會安可常英曹
幸文雅獻酬寧計行預恐還吹帽煩君戒太康

先天觀

仙客鍊金地蒼山溪幾重至今龍虎氣猶在琵琶峯峯前石路
整金澗垂楊嶺萬壑闕阿宮千秋奉丹鼎日、採三秀人、吹
玉笙既要王子晉復命董隻成方朔金門步春來多自豫青鳥
幾時還銜書寄君去北闕懷美祿南山思遠遊勞心如御水東
去復西流

題雲郤菴送別圖

南州山水麗中田歲事豐時貞文物架道合朋輩同濟、衆君
子班坐青陰松迴洲環偃月丹林結採虹翔鷗方矯、鳴雁亦

吧：即趣情已轉染翰思彌工予亦幽棲者纓冠朝北宮披圖
誦佳詠邀爾想高風

送黃紹及第歸江西

上林花落盡東門餞別初遊絲橫輦道金波溢鏤渠含觴不能
飲躑躅此城隅念子正羨妙丹泉緒綠渠翻然阻山岫邈爾問
離居芸閣誰同坐蒲 孰共書時應有詞賦為寄比飛魚

送胥式南還

孟冬寒律應原野降繁霜客子倦遊覽結筇還故鄉驅車出城
關旭日縣晶光綺宮上爛：翠閣後蒼：豈無京華志晞景發
清揚富貴在榮遇貧賤有安行恒恐歲年迫皋蘭凋紫芳君看
沙上雁騫乃隨陽

題施氏西嶼書堂

中智貴得性得性非易求羨君潁川曲松竹蔽層丘春秋嘗佳
日兄弟各命儔總轡凌晨術展席面清流參差瓊峯出沆澄綺
磧周緗荷承繡宇黃鳥響疏樓起坐玩芳帙為樂解優游河陽
耻巧官建春歷旅愁安得周公瑾為館孫仲謀

蘭亭

奉節過東鄙總轡臨越墟覽此崇山阿亭榭猶晉餘陽林積珍
木禊館流鏤渠微風輕瀨宛委寫成書秋杪霜露滋清商滿縣
隅紅蓮凋綺葉激瀾見躍魚藉芳泛羽觴視聽良有娛逍遙大
化內豈必三月初

自集賢嶺入大龍山

皖公標楚甸茲嶺孕奇形翠積縱江澗崇冠呂蒙城戒途入中
林平岡駐我旌延望失來術周覽多有經峩：石窻矗竇：巖

岫冥離、雲朝濟、架、樹囊榮、關弓射鳴雁、羣谷振弦聲、仰憐
山人居俯悅、洞下耕蒼龍、啓春候、金虎收光精、權家既非學、農
用或可明、願言同載者、為爾鑄阿兵。

安慶郡庠後亭譙董僉事

鯨鯢起襄漢、郡邑盡燒殘、茲城獨完好、使者一開顏、省風降文
囿、弭節遵曲千、雙池夾行徑、累榭在雲間、天淨群峯出、地迴蒼
江環、霞生射蛟臺、雁沒逢龍山、開樽華堂上、命酌頓危欄、主人
送瑤爵、但云嘉會難、豈為一杯酒、樂此罷民安、魄淵無恒影、清
川有急瀾、明晨起驂服、相望阻重關。

送康上人往三城

嘗登大龍嶺、橫梁視四方、原野何蕭條、白骨紛交橫、維替休明
日、茲城冠荆揚、茅郊列華屋、文鑲被五章、乘車衣螭繡、貴擬金
與張、此禍誰所為、念之五內傷、監儒謬乘障、永賴天降康、樅陽
將解甲、皖口寢開疆、耕夫緣南畝、士女各在桑、念子中林士、振
策亦有行、我尋三城美、龍嶺在其傍、連林積修阻、下有澄湖光
明當洗甲、兵從子卧石林。

七哀

殷湯宋宋阻、周魯歌東征、聖哲則有然、我何敢留行、斬牲祀怒
特、鸞鼓起前程、旌野布魚麗、陣山鳴鏡吹、聲函閭、何用塞受降
行、已成路、逢故鄉、人取書、寄東京、寄言東京友、勉樹千載名、一
身未足惜、妻子非無情。

八月十五日慶州分司對月

玄武夕始正、華月生秋旻、金波何穆穆、綠桂滿中輪、徘徊出西
陸、照耀此甌陶、光流河宿隱、氣隨高律振、餘輝動軒房、紫蘭含

宋元詩集 卷之八十五 五 鈔本
微津皇天降嘉歲五政亦已陳樂哉一卮酒允矣同庶人

安南王留宴

將命坐藩服式禮奉國賓賢王重意氣延客列華裯爾：高堂
上圓方饋八珍齊優雜趙女歌曲一何新遺響從風發雕梁落
素塵中觴每傳滿眷：難具陳原往已有愧懷報恐無因

黃鶴樓

岑堯黃鵠嶺端魏構楚材澄江環画楹連城抗銘階雕衡朱鳥
峙淵井綠荷開隱見見長沙渚想望陽雲臺晴霄一仰止輪奐
信美哉淮南倘好道日夕化人來

龍丘長吟贈子正

戰龍起新室羣鳥亦翻：偉哉龍丘生抱琴歸故山仰視天際
鴻俯弄席上絃清音發疏越逸響遺澗泉悠：鳳翔漢婉：虬

婿川清風自千古何用能卓立

侍制張廷美姑阿慶詩

葭莢啓望國灼：詠桃夭操觚染芳藻短髮未勝翹始聆白雪
句兼傳黃竹謠蘭萌初映砌春霜已降霄秋榛覆故隴驚蓬颯
迴颺金樽與瑤席庶足奉嬌媿一作嬌

詠古 楊沛

楊生仕州縣謀國不謀身一朝解印綬歸來但長負茅茨上穿
漏頽垣翳綠榛空林積風雨蝸牛止其中辛苦豈足念殺身且
仁成

大別山柏樹

奇樹如蛟蜃盤甌上虛空孤生雖異桂半死反如桐香帶金爐
氣色映綺錢中靈從后皇服年隨天地終常瞻北枝翠終古鬱

蕙

送王閔赴泗州行捕提舉

蒼茫吳楚會縱橫淮汜流春水未泮渚芳杜已生洲揚旌朱樓
前張獵青出幽馭功效大兕亦致公子裘消搖足為樂何嗟晚
不侯

送李好古之南臺御史

都門相送震旭日動蘭暉綺樹鶯初下金溝絮漸飛分駮向遠
道把袂戀音徽去江南陌應看滿路威

送霍維肅令尹

握手蘭宮外朝光滿禁塗山寒知塞近苑靜覺鶯疎草離樽
既悠征輶驅還應軫時念不羨執金吾

呂公亭

鄂渚江漢會茲亭宅其幽我來窺石鏡兼得眺芳洲遠岫雲中
沒春江雨外流何如乘白鶴吹笛過南樓

宴晴江拱北樓

漢城開綉閣蕭然似渚宮晴江華楯外列岫綺錢中樹色芳樽
綠荷花粉臉紅賢王敬愛客樂宴意何終

詠絕塵軒

網軒開華嶠山下蕙龍江中寶牀擁樹沙雕欄紅心融二陣滅
境靜六塵空應似青蓮葉齊開綠水中

壓雪軒

軒轅鑄鼎處仙臺成函圖寒雲生洞渚暝色入蒼梧如霧飄丹
閣非烟起玉爐年漫來此無處挽龍胡

竹嶼

宋元詩會

卷之八十五

存素堂

宋元詩會

卷之八十五

鈔本

秋水鏡臺隍孤州入嶽茫地如方丈好山接會稽長紫蔓林中
合紅蓮葉底香何人酒船裏應是賀知章

送危應奉分院上京

峽路傳清警金輿夾綵旃還如向姑射詎比幸甘泉遠樹紛成
幄閭榆始委錢從臣偏寵近載筆慢成邊

植祥菊

舊花已萎絕新花乃再芳都緣稟金氣特解傲司箴旂旆生殘
馥歲旆出故房應憐蕙草質戢穎委微霜

賦得九里松送吳元振之江浙左丞

結駟向青郊松隱九里遙言從天竺寺自度小春橋偃蹇成芝
蓋蕭森蔭蘭橈相送將何贈期君保自凋

題合魯易之四明山水圖

窓中望蒼翠春水啓晨霏孤嶂總盈尺長松未合圍蕭蕭此仙
客日候巖扉念爾空延佇王孫且未歸

祝蕃遠經歷挽詩

逸軌無還轍驚川有怨思蒼苔生舊館素簡委空帷龔勝誰相
吊雲翻少見知惟應問道者寂寞薦江蘼

題蛾眉亭

空亭瞰牛渚高凌紫氛澄江萬里至華嶠兩眉分落日魚霞
綵流光成綺文憑軒引蘭酌休憶謝將軍

南山贈隱者

君家南山下南山果何如開闔盡雲路向背凌空虛木客採薜
荔怨女詠靡蕪何當牽白犬見君巖下書

賦得慈恩寺塔送李惟中赴西臺侍御

祇園開塔廟遐瞰盡三榛
瑠玉裁文陞金銅結綺輪
高標雙闕外流影灞陵津
攬轡還登眺題名繼管人

寄題環秀亭在祖

宗老來相報黃梅盜已平
傳聳一峯下臨眺九江橫
象構誰能懷香臺積可成
憑詢幾小劫又復到昆明

葛編修輓詩景夫

替別情何樂今還語向誰
幽房通貝闕空館育蕪絲
未過徐公墓徒懷有道碑
扁舟望何曲情淚濕江籬

賦得鉅野澤送宋顯夫僉事之南山

堤上柳沈沈春蒲汎渚城
濟田東匯濶汶水北流浚
落日依中泚浮雲積太陰
微茫看不盡渾似醉時心
夜坐和成太常

牽牛表宮雉華星動綺錢
沈沈鵙觀悠々清漏傳
無才愧三益靈送張百厘
綿思至中旦莫繼瑤華篇

送張有恒赴安慶郡經歷

曉路通高嶂春城入大江
草生垂釣浦人語讀書窓
爾客移茶鼎行田載酒缸
幕寮誰得似高步絕粉龐

宋祭酒輓歌

文章知有數者舊忽先零
東井開圖畫西山閱爽靈
司徒靈執饋太史早垂銘
悵望平原綉時々問客星

送李伯寔下第還江西

之子不得意南行無怨辭
官河人杳々客路雨絲絲
古木淮陰市春城孺子祠
悽然千里別為賦小星詩

有所思

春風起寒色春衣方重薰新裝捲羅幕清唱入行雲艷色若流
月芳澤謝蘭芬嬋娟信無度我思何在君

長安陌

浩：長安陌瓊樓夾廣塵鴛鴦御溝上芍藥吹樓前駿馬追韓
媽金尊酌鄭虔功名有時有且得樂當年

伯九德興詩學

上德撫玄運額後尹神京三雍承髦士五學訓齊氓登高陳羽
葆鸞刀奉麗牲優游樂清化大道嘉方行

送孫教授

皇情重聲教宵裝爾載馳邊城南徼外禮殿左江陰揖讓陳柳
器絃歌蔭薜帷全勝宜春郭花落閉門時

賦得君子泉送彭公權為黃州教授

君子沒已久道并郡齋中本寓思人意兼全澤物功銀牀駁故
蘚玉甃薄寒桐幾日趨官舍橫經誦養蒙

賦得春雁送司執中江西憲幕

春風起蘋末旅雁尚回翔乳鴨嬌同啜新蒲短可藏應懷洞庭
水非避塞垣霜客路頻懷舊題書寄帝鄉

題段吉甫助教別墅圖

玉署挂新圖如君舊隱居峰高託霞上葉變是秋初遊客看常
在溪聲聽却無只此同登望豈必命柴車

送王其用隨州省親

都門楊柳萬絲垂城上行人駟牡駢宮中近得三年謁篋裏新
裁五色衣漢皋秋晚遊娼少夢渚波寒獵火微我有愁心似征
雁隨君日日向南飛

登太平寺次韻董憲副

蕭寺行春望下方城中雲物變淒涼野人籬落通瀟口賈客帆
檣出漢陽多難漸平堪對酒一樽難盡更焚香憑將使者陽春
曲消却征人鬢上霜

題段應奉山水圖

水如剡溪水山如沃洲山想見鱸魚美扁舟常不還

題溪樓

溪水落悠：高樓在溪上日暮望江南舟中采菱唱

別樊時中二首

桃花灼：柳絲柔立馬看君發鄂州懊惱人生是離別不如江
漢共東流

光祿橋西惜解携春星欲訪路盤低自來宮柳多離思更着城

鳥在上啼

題光祿主事仲桓君海棠圖

沈香羯鼓弄春杯席上終看半作堆爭似君家屏障裏年：歲

歲有花開

題紅梅翠竹圖

竹葉梅花一色春盈：翠鈿掩丹唇休言画史無情思却勝宮

中剪綵人

郭奎

字子章淮南人宋濂序其望雲集曰子章曾從余廷心學
治經而性尤嗜詩自黃初以降諸名家多端齊其芳腴故
別句鏗詞超味雋永韻度婉微廷心極稱之集名望雲
者志思親也遭亂雖悲憤以老于詩外無所表見云

擬古贈別

孟冬霜露降悴彼荷與蒲青：蕙蘭芳采之將烏如贈君夙替

宋元詩集 卷之八十五 十一
意聊以慰斯須絃歌厲清響置酒岐路隅親戚念遠行各言勉
良圖常恐不為樂日月方其除晨風奮高翼北林多古榆臨歧
執子手安得同車驅

九日偶成

良晨惜難再秋序倏已殫登高啓飛閣望遠俯層巒寒菊正盈
把濁醪方共歡微此一日宴客懷殊可嘆

擬古思友

鶉鳴歲將晏蕪葭淒以霜思君隔山海道路悠且長睇彼參與
辰清夜悲未央狂飈西北至一雁方南翔言念疇替歡與子同
衣裳安知易寒暑日月不我將天高則有斗川涉愁無梁憂心
隱如怒出戶徒彷徨

送姜彥英還錢塘

東南有高樓華月照綺楹瓊筵列海錯雜以絃歌聲疎簾捲晨
夕迴瞰蒼江清君今利攸往我獨懷鹿鳴執手望長路駕言出
東城嘉會長不足何況臨當行晴郊望樹碧綠渚春蘭生持觴
意難盡相思空復情

寄李彥端

嘉樹藹夏綠清風動靈襟念君有高趣勞我徑寸心佇立東城
曲日夕見雲岑以茲世多故忘彼升與沈聊樂在書籍佩玉懷
所欽華池散帙步當戶鳴幽禽蘭生已覆井泉響迴出林醉將
山日月彈作絃上音明月照別鶴遺音憂南金何當坐松石從
爾聽瑤琴

次錢子貢蘇門感懷

燕支木葉落盧龍秋色來空閨有思婦清夜悲且哀錦書為君

寄寶鏡誰人開膏沐不復容綠髮栖浮埃團團皎月輝照彼曰
于臺馳心在萬里出戶聊徘徊

雜詩

孤月江上明清光泛流水北有愁思婦南有遊蕩子蕩子行未
歸思歸安所止姑老在高堂貧賤復如此君行忽逾年膏沐誰
為理妾心金石堅不逐浮雲起曾合良未期離亂何時已君當
復來歸妾當效同死凌風願翱翔波詠杭葦再返平生歡彼
肌服紉與綺

紀夢

忽、顏芳年搖、寄行役衰興勞形神鬢髮玄已白驚風響庭
樹憂思日常積夢魂清夜歸髣髴舊鄉邑青松在園田桑柘陰
廬室飛鳥雲際還牛羊下來夕澄湖淡微波秋山有佳色鷄犬

雜比隣壘烟霽阡陌怡、兄弟情淒、立隴側代木逢行歌僕
夫候馬立臨流濯長纓桂冠坐盤石似慰平生歡覺來異疇昔
百年如轉蓬萬物乃遺焉天命良在茲勿復云得失

貧女吟

猗、石上蘭青、澤中蒲貧家有美女二八嬌如荼朱顏不自
媚貞固操匪渝少為父母惜生長紅羅襦綺樓高且深窈恐行
露濡一朝冷落盡萍迹湖東隅塵沙陋茅屋不濺冰雪膏鴛鴦
懶復織翡翠愁還梳鳴鸞在何處坐惜華芳徂恥作商人婦願
奉君子儒妾心擬有托請贈明珠

遊羅漢寺

步出城東門裳褰涉西澁幽尋窮四郊日入未遑已逍遙遠塵
蹤夕憩空門裏陰階轉長廊金碧炫晴綺園池清且深水竹淡

如洗追念疇昔歡豈謂從來此春日忽載陽百物含芳卉好鳥
向我鳴高僧見人起閒雲石上生天花覆瑤几信宿方告還行
行詎能止

春日行

春風爾來何無情忽然吹我華髮生淮南三月花滿城金尊海
錯羅雕楹美人對坐彈鳴箏酒酣起奏升天行當年歡樂不復
得白日為照心未平心未平發長嘯我曹豈是閭閻兒齊東魯
連頰同調

新豐市

過新豐待沽酒雪華當空大如手斷橋荒店無人烟獨有寒梅
伴疎柳憶昔江東未構兵我亦曾經此地行東家槌牛出新釀
西家開宴還吹笙春風步障千花錦當爐美人勸客飲形勢雖
非漢祖為髣髴咸陽舊陵寢停驂慷慨懷馬周我欲濯髮臨清
流斗酒不可得高興良難酬着鞭遙指敬亭路孤雲日暮心悠
悠

夜坐吟

江風蕭蕭吹古樹圓月蒼茫海生霧北斗漸落明河傾城頭烏
啼天欲曙客子不寐憂無衣東征三年猶未歸蟋蟀在戶歲月
暮洞庭霜白芙蓉稀男兒生當百戰死不執金吾即俠兒閉門
勿用長夜歌騏驎終能致千里

七夕曲

天河盈一水隔河東美人河西客耕雲織霧雨相望一絨綢
繆在今夕雙龍引車鵲作橋風迴桂樹秋葉飄拋梭投杼整環
佩金童玉女行相要兩情好合美如舊復恐天機催曉漏倚屏

猶有斷腸言東方未明少停候欲渡不渡河之湄君亦但恨生
別離明年七夕還當期不見人間死離別朱顏一去難再歸

從軍婦

從軍婦良家女新梳北髻學邊語狐皮裁帽紵絲衫馬上佯羞
見親故黃巾盜賊亂中華去年燒我父母家天朝命將傳征伐
強兵爭奪顏如花顏如花命如葉此身一失無名節憶昔姑家
納采時燈前豫結同心結嫁夫誓擬齊娥眉誰知萬里為軍妻
木綿帳低風日惡五紋刺繡思淡閨思淡閨難再得人生莫願
多顏色東鄰女伴醜且貧鄉里不出成家室

寄衣曲

華燈暗室秋夜長吳刀剪綵為衣裳欲縫不縫千惻：還向姑
前較寬窄燕山八月雪苦寒毡褐狐裘俱擘裂明朝驛使催征
車白袍絮就愁寫書舅姑已老妾無子願君早曳玉門裾臨行
封裹復致意着時莫遣沙塵穢

和蔡都事見寄

汎：仙槎遠雲津月未沈水光明使節星采動詞林夙駕江亭
迴前瞻浦樹淡瑤華如可拾願得繼高吟

次劉仲孚

地遠孤雲白秋深一雁過淚因明月下心在故鄉多列郡方傳
檄連城未息戈羈危萬里思江上逐馳波

送孫良玉還同安

送君江上去山路雨初晴落日平淮樹春潮帶皖城酒因今夕
醉人是故鄉情莫說王孫怨芳洲綠草生

春日遊敬亭山

冠蓋連鑣出晴郊北路分我尋河水部誰似鮑參軍芳樹聞啼
鳥飛泉隔亂雲題詩兼勸酒聊樂在殷勤

郡齋秋日次韻

幕府簡書靜一官清自閒秋聲在東壁爽氣滿西山叢菊可延
壽芳樽聊解顏當軒雨嘉樹好鳥暮知還

出暖水向新營

山陽暖水地舊是北軍屯一澗雲連棧千峯雪照門奉書觀壁
壘馳驛到邊藩為卜婦人信今朝喜鵲喧

留水西寺貽季潭上人

好山吾所慕今日水西遊花雨千峯暝松風六月秋龍為人聽
法僧共鹿尋幽如此林泉樂榮名安足求

秋興

龍門疏鑿禹時功江漢泊亦匯東萬古山河今異域千年禮
樂舊同風忽思鱸膾張翰將學丹砂就菖洪祇恨兵戈猶在
目秋來衰鬢對飛蓬

答人見寄

自傷孤雁影翩翩避弋南來折復全塞上牧羊人幾陷賊山中尋
鶴托遊仙黃冠偶倩傍人正寶劍誰為烈士捐華髮秋來垂兩
鬢江湖憔悴任吾年

早秋旅夕

初月涼風夜向闌倚樓愁到笛聲殘天高闔闔銀河白露滴梧
桐金井寒多病馬卿猶是客幾時張翰也辭官年：怕近清秋
日憶殺湖邊舊釣竿

涇縣

涇川不減若耶溪况有招提在水西四面雲山當縣合五更星
斗落簷低竿舟競訪桓彝廟立馬空漸李白題但願功成身退
早桃花潭上結幽棲

臘日

臘日三年為異客今年霜雪未全饒風塵暗滿淮南路霧雨寒
生江上潮鄉夢有時逢骨月此身何處托漁樵共來吳楚交兵
地烽火依稀似六朝

次丘太守韻

翳、桑榆晚正宜夕陽山色望中奇鷗盟遠渚誰爭席鶴放長
松自擇枝疏廣賜金忘得少陶潛束帶願歸遲黃花時節幸兒
女爛醉籬根且賦詩

開歲卧病

多病文園渴未消自從人日遇花朝不如楊柳將春色綠到淮
南第幾橋

德興山中

路入深山忽有村隔溪烟火似桃源漁舟不喚行人渡洞裏春
寒靜掩門

書所見

黃犢飲溪芳草滿青裙挑菜碧芹肥故山好處多如此湖上春
風憶我歸

劉汶

字魯源天歷至順間以能詩名好遊山水而探奇會稽
往來尤數郭奎常稱其所作故次諸望雲集以見焉

贈劉禹玉

劉郎方朔徒遊戲紫泥海千年華表非唯有寸心在向來浙河

西雄辨吞虹蜺手携九節杖東入蓬萊栖我時探禹穴同看山
陰雪千人萬人中怪子獨超越朝騎白鼻騮暮返油壁車得錢
即付酒携妓顏如花踏翻豪俠窟醉狎山人家或嘲狂處士或
誚報恩子從渠立名多詎識子奇偉一朝去鄉國北上爭吹噓
家無十金產袖有萬言書所陳果何事為國非自計寧漕丞相
嗅冒負丈夫志蹉跎十數秋甘與黃冠傳善歲倚天劍未暇摩
牛斗蟠然走山東隱迹隨壺公還尋岱宗去絕壑凌天風鷄鳴
上日冠眼亂扶桑紅窺臨事未已逸氣橫萬里行歌齊魯間興
為廬山起廬山秀可餐怡此冰雪顏揮毫灑瀑布五老開雲閣
遠公拍手笑喜見遺民還乃知士不偶正可遊名山去年卧衡
岳聊慙四海脚厭垂君平簾懶賣伯休藥却呼魏夫人共把流
霞酌今年與山辭下走湘水湄臨風弔賈傳醉月招湘纍文章

本疏蕩強忍終技癢光怪不可收倏忽又千丈有時遇知音朗
咏山中吟復恐兒輩覺不得容山林茲晨忽聚首慰我別來久
辛勤四十霜所獲竟何有却懷居東時勇以功名期焉知尚漂
泊筋力供路岐舉杯置往念此去安所之南窺古雲陽更了山
川奇山川固娛日慎勿過幽獨奈何白雲歌再送劉十六乾坤
助蒼茫迴首眷空谷我將秣其駒乃不受羈束願子無遐心歸
哉返初服

汪主簿清明不出見寄

人情雨中花客情松上烟苟非薛卞門何以歸龍泉附驥知自
遠慕羊徒得羶君看長舌人早晚乾無涎所以汲太守穩作淮
陽眠昨日出東郭風榆吹綠錢流光一河情去我如郵傳道逢
誰家子饌奠蹄新汗感此不能已戍笳吹晚天

癸酉除夕

此夕何多感明朝過六旬乾坤又元統人物少咸淳酒厭山杯
淶楊傷水國春燈前曾戲綵馬首一沾巾

早春述懷

春與年：別窮隨日：增眼明貪夜讀事少忘晨興倦鳥猶遷
木潛魚已涉冰栖遲唯故轍無夢到飛騰

宋元詩會卷之八十六

皖桐陳

焯然公輯選

後學程

仕松皋叅較

成廷珪

字原常廣陵人元統至正間隱居不仕四方士之過淮東者必主其家所與遊多至尊頭以廷珪性甘隱退亦遂無薦用之者生平讀書好古尤工于詩臨川危素序其居竹軒集云凌雲霞入霄漢糠粃萬物之興發多至情非有所勉強而為之也同時詩人又有所作為一編焉

送李子威代祀嵩衡淮海

羣生望甘澤五岳雲氣通天香落岳谷瑞靄春冥濛海潮天際
來金碧生萬峯劃落紫翠堆亭：玉芙蓉古廟絲竹存迎神奏
黃鐘空山遠餘響落花舞青童

春夜曲

芙蓉樓前拜新月寶鴨微薰透銀葉吳山楚水送遠遊不管閨

中照離別誰家玉鈎飛上天一似連環舊時缺：多園少將奈何方寸愁腸萬里結為郎白苧裁春衣又恐月圓郎未歸

戚戚行

戚：復戚：白頭殘兵向人泣短衣破綻露兩肘自說行年今七十軍裝費盡無一錢舊戢官糧猶未得朝堂羽書昨日下午帥府然燈點軍籍大男荷鍤北開河中男買刀南討賊官中法令有程期笳鼓發行星火急阿婆送子婦送夫行者觀之猶嘆息老身今夕當守城猶自知更月中立

射鴨謠

阿儂手挽竹枝弓射鴨綠楊湖水東三：五：似學武一箭誤中雙飛鴻前船唱歌後船哭月黑湖中夜潛伏東海健兒不敢過人命幾如几上肉老翁入縣前致詞夜：全家猶夜宿丁寧

門戶且勿開明朝又怕官軍來

聞中原河決盜起有感

中原九月黃河水平陸魚龍吹浪起飛霜肅：鴻雁來禾黍漂流桑棗死大風怒踣揚飛塵白晝剽掠如無人官軍不誅海東賊縣吏乃殺西村民夜聞羽書起丁力老稚嗷：向誰泣我當六十將奈何扶杖淮南望淮北

送天長教諭孫允誠任滿歸金陵

憶昔君方年少日文帝潛宮曾一識龍飛上天不可攀圖畫空餘兩竒石閉戶讀書三十秋出門為官才領職天長令尹莫我知首着朝盤勝肉食三年官滿來揚州僦屋正近橫江樓門前車馬日如市談經講易皆公侯公侯滿坐即沽酒典却篋內青氈裹鄉心苦憶長千里明日君當渡烟水中山李桓文中雄乃

是君之渭陽氏深衣再拜如母存故宅重歸令客喜豈無舊業
問松筠亦有清輝照桑梓青雲熟路君如何白髮滄江吾老矣
丁千五歌

丁千五一百健兒如猛虎幾年橫行青海頭牛皮作衫桑作弩
射揚湖上水賊來白晝殺人何可數將軍宵遁旌旗空倭甲蠻
刀賊為主西村月黑妻哭夫東塢山深母尋女屋廬燒盡將奈
何往々移家入城府不是丁家諸健兒仗劍誰能剪狐鼠樓頭
釀酒齊唱歌爭剖賊心歸豐鼓官中無文立賞功還是山東販
鹽去

辛卯秋旱八月晦日天大雷雨

八月晦日雷怒踈大雨如注風蕭騷捷如鬼神撼山岳湧若江
海翻波濤屋茅重卷一重去河水忽漲三尺高驚鴻翅濕飛不
起散亂中澤呼其糟雲龍有意洗兵甲下與蒼生舒鬱陶浮雲
收斂赤日見天宇廓遠無纖毫歲年不逢亦偶爾吾將種麥耕
東臯

雪舟歌為王子中賦

王郎不知何許人一舟橫在江之濱風清月霽未肯出滄洲獨
與天為鄰洞庭烟水兩寂寞十年不見君山春北風三日雪大
作挂席張帆以為樂手中鐵笛吹紫鳳身上氅衣如白鶴拍浮
滿載百壺酒企足蓬窓供獨酌劍中隱者母相疑乃與戴老同
襟期更闌酒盡雪未止趣櫂欲返猶遲々今夕何夕此乘興千
載未必無人知

悲徐州

彭城八月風塵起數羣義兵多戰死良家女子復何辜盡作黃

宋言會 卷之八十一 三 鈔本
河水中鬼鬪填海幾時歸千古沉寃無處洗王師一日天上
來賊船夜斫浮橋開守橋將軍不敢開狂瀾倒瀉聲如雷三山
回望平如掌野曠猶聞金鼓軍中少年當封侯爭入轅門請功
賞江邊老翁死即休血淚沾襟空白頭

題畫史王夢麟卷

老翁窮居廣陵市四壁蕭然祗圖史題詩不博一文錢古瓦磨
穿空費紙不如鄉里諸妙年翰墨遊戲王公前解衣盤礴作山
水一幅寧惜千金捐何人最得滄洲趣麟也于今稱獨步狂吟
寄興肯相過西我東橋竹居處

槎山歌為胡雲夫作

淮水源出桐柏山東流入海何時還胡君引水種秋林築室正
在槎山間槎山清空白日靜胡君意與雲俱閒漢東一夕風塵
起雲亦高飛幾千里山間有家不得歸却過揚州飲淮水飲之
為洗冰雪腸今我不樂思故鄉驅車明發度遠道廣海又在天
一方思親恨不歸來早夢中祇說槎山好他年歸隱奉親歡白
頭同向槎山老

送周草窗尊師歸廬山太平宮

匡廬之山仙所居銀河倒蘸青芙蓉三十里路昔一往十八社
友今何如向來匡君結廬處至今海月懸高樹水流花落春復
春洞府蒼茫隔烟霧西風蕭蕭吹短衣賣藥修琴不歸去潯陽
潮落海欲枯幾時再得麻姑書風不跨林下虎回仙肯願盤
中魚幸留神物守丹鼎喜近弟子迎飈車世間信有揚州鶴看
汝乘之上寥廓晴窓須理白雪絃爽氣仍開紫霞閣袖中寶劍
且藏鋒彭蠡小龍方睡着

送郭仲安貢察院

捧檄上京華清才素共誇封章不起草健筆自生花燕市千金馬天河八月槎看君冠獬豸好為觸姦邪

曉出錢塘門

出門聊適意草樹碧紛紛一雨破清曉四山生白雲僧樓綠嶺出樵迳過橋公明日重携酒來澆和靖墳

齋居

曉起坐終日無人叩竹扉柿因風落早菊為雨開遲稚子能賒酒鄰翁許借詩白頭無別計空負聖明時

登望江樓

長江不可極岸幘獨登臨潮信自朝暮山光無古今碑亭流水涸輦路積苔深欲寫興亡恨西風萬葉吟

寄寅甫

山館殘花歇江樓暮雨餘長歌留客和短札倩人書露葉縣青蔓風簾隱碧梧夫君隔河漢涼夜月生初

寄慈溪普天澤監縣

聞說慈溪縣官閒地更偏兩潮來海錯六月刈山田曉塔天童寺春帆日本船何時瓊樹底花夕醉嬋娟

秋夜雜咏

平居在城市無夢傍江湖世事有今日生年猶故吾抽書逢越絕引曲感吳趨鄰叟邀皆醉歸來不用扶

賦林泉民

羣居傍城廓獨汝向林泉亂世知誰在荒村只自憐白雲棲晚樹流水界秋田亦有催租吏敲門橫索錢

和謝雪波東阡道中作

淮楚紛紛際誰憐老逸民一為吳郡客三見洞庭春世路間關
久候門接納頻麻衣猶似雪不敢泥緇塵

龐山河泛舟過甯伯讓莊所

湖上足清晝雨餘生綠陰扁舟到城近曲巷入春深野叟頻相
問郎君不可尋西菴肯分席吾亦老山林

寄葛隱智東堂

落日太湖上歸舟此磧沙百年同是客兩寺即為家殘竹仍多
筍枯藤也自花何時結茅屋相伴老烟霞

題慶雲東竹水居

水光當戶白竹色照衣青風露涵虛室江湖入淨瓶林梢間挂
錫月影靜翻經上觀何聞見秋聲出杳冥

秋日遊虎丘逢徑山元上人

攀葉樹層：茲遊記得曾到山疑是夢出寺忽逢僧短簿荒祠
酒生公舊塔燈留詩駭浮俗山鬼也多能

送李斯立

南國風塵滿西江道路難鄉人問家信津吏識儒冠短缺何由
黑孤心只自丹放歌聊縱酒努力且加餐

雪

閉門三日雪竹外轉蕭然夜色侵書幌春寒壓篆烟詩題名彥
後酒讓老夫先獨臥袁高士清風幾百年

夜過吳江聖壽寺宿復中行方丈

深夜扣禪扃天寒月在庭鳥驚栖後樹僧掩讀殘經蔓草風吹
白枇杷雪洗青對牀聽法語方寸愈惺

宋元言會 卷之八十一
登靈巖山

木杪見浮圖盤、一徑迂倚巖留客坐過嶺倩人扶野色平如
削湖光淡欲無殘碑不可讀春草沒龜趺

送澄上人遊浙東

浙水東邊寺禪房處、家千崖無帟約二月已鶯花曉飯天童
筍春泉雪賣茶煩詢夢堂叟面壁幾年華

憶遊龍井過南天竺登二老亭曾賦一詩

二老題詩處風流不再逢客歸黃葉雨僧住白蓮峯誰為山無
鳳人傳井有龍白頭江海上今夕寄行蹤

三月二十五日過上洋徐居士柯莊

赴潮深入巷風急水西流沙澗輕沾屐橋低欲碍舟孤花餘晚
艷芳草亂春愁鷗鷺應相笑衰年尚遠遊

吳中五日追念故友李嗣中李欽嗣有感而作

夢繞南崗北嶺雲一杯無計灑松筠世間我豈長貧者地下君
為不死人夜雨自荒張祐宅秋風誰障庾公塵于今友道俱凋
喪落日江湖淚滿巾

八月十六日送張仲舉至秦郵驛是夕邵文卿置酒雲峯

望月

水驛宮船晚未開月明乘興即登臺揚州鶴怨山人去甕社珠
迎國士來千里何時重命駕百年今夕此銜杯同君盡醉交遊
地為問秦郎安在哉

送陳景川歸盱眙

第一山中風物殊我欲買田來卜居風林把酒聽黃鳥雪港挂
簷分白魚富貴不來吾老矣漁樵有約子何如可能久作終焉

計北海方修薦鴉書

虎溪三笑圖

三老風流笑口開山中猿鶴亦驚猜攢眉入社謾多事送客過溪能幾回僧影欲隨秋水去席聲偏傍石橋來東林絕響今千載撫卷題詩愧乏才

寄扶實尚書

憶陪冠蓋集通衢下士無由拜後塵曾和淮南招隱曲得從天上謫仙人鶴鸞在列誰堪並鴻鵠高飛不可馴遙想退朝香滿袖題詩還記竹軒春

寄烏古孫幹卿參議

紫宸奏對出班行画省論思晝漏長三月不知燒笋味一春還憶煮茶香幾人白髮黃花酒何處青山綠野堂扶植皇綱在今

日中原草木仰光輝

夜思

斗帳方牀一布衾睡餘推枕復長吟青燈細雨三更夢白首殘編萬古心天上不知何歲月城中誰信有山林哀歌坐待東方白短髮刀騷不滿簪

環碧齋

面：溪光護石苔軒遲無復有塵埃月涵虛白浮秋去水泛空青入座來漁釣兒孫多質朴嘯歌鷗鷺不驚猜我家亦住滄江曲千箇篔簹繞舍栽

蕭萬戶野鶴卷子

肯着邊塵浣縞衣當時城廓是耶非自離碧海三山去直過青城萬里飛老去揚州空逸興何人沙甌脫危機丈夫功在麒麟

閣莫說仙家有令威

送謝芝甫赴山南憲

謝庭子弟多佳士荆國山川總勝遊
萬里捧書催入幕一朝搥鼓發行舟
玄猿題處巴江夜白雁來時楚甸秋
襄漢風流千古意為君長憶仲宣樓

東句曲外史張伯雨

霞佩翻、出洞天當時彷彿見癯仙
幾年南國張公子今日西湖葛稚川
滄海塵飛丹幾熟玉堂人去榻空懸
林間載酒來相覓乞寫山經與世傳

送幹克莊僉憲調淮西道

繡斧煌煌擁使輅才名籍籍在中朝
甘泉詞客河東賦蓬島仙人海上樵
風振紫山迎驛騎雲開金斗見秋鷗
澄清事業須公

等桂樹淮南未易招

廣陵岳宮醮夜觀王淡洲高士箴事自登瀛橋迎師入黃

籙壇

濛濛雲氣濕霓旌小隊綃風蠟明鸞鶴舞
隨行道影魚龍出聽步靈聲淮南高士青毛節
句曲仙人碧玉笙一路天風吹不斷此身今夕在蓬瀛

送楊士先歸長安

落魄麻衣不受塵黃金釋盡只清貧
新豐市上酒濯足韋曲城南花惱人
豪傑謾嗤秦逐客漁樵能話漢功臣
清時未老丹心在姑把長竿釣渭濱

阮子華所藏桃源圖

桃源流水似天台彷彿三生到此來
玉杵玄霜無處覓金堂祕

室為誰開滄州一夜生芳草陰洞千年長綠苔何必誑人秦甲
子漁郎祇見兩三迴

嶽宮登瀛橋

疊石為橋跨兩涯只如平地入烟霞銀河夜擲仙人杖碧海秋
橫奉使槎浴水先迎三島日隔關遙見十洲花月中時有簫聲
過多是山頭聖母家

題山居圖

石子坡頭松兩株水光嵐氣護幽居山翁被酒愛騎馬溪友放
船來捕魚秋色日隨黃葉少野懷常共白雲舒何時卜築如圖
画竹下開軒更讀書

瑞雪為劉芝田賦

風捲寒溪漾碧沙曉林驚見玉橫斜人間風日不到處天上神
仙解種花九地暖迴龍有穴三山雲靜鶴無家泛舟來覓芝田
叟留作山陰勝事誇

寄謝方方壺寄遙山古木

鬼谷陰：苔解斑只除猿鶴伴高閒丹光或在籐蘿外劍氣常
留水竹間每讀內篇消永日還將生紙寫遙山衰翁可是無仙
骨不得相從共往還

送孫從義憲史貢部

貢名書到折封開正爾諸曹議選才侍史閣中簾影動尚書天
上履聲來階墀伏謁人皆喜符牒鋪張手自裁不有雄聲驚画
省可無清論遠烏臺

送余廷心翰林應奉

楓葉蕭：江已秋吳船三日住揚州靛花深染青綾被雲葉新

宋言會 卷之八十六 十
裁紫綺裘征驛馬嘶風滿樹別筵人散月當樓明年春雁將書
去人在蓬瀛第幾洲

西魚

生平蹤跡侶魚蝦浦月山風滿客槎曾向春盤登北鮪更從丙
穴薦南嘉賞花釣得留詩友折柳穿來覓酒家萬里江湖清夢
遠于今空對函中誇

送李唐臣調山南憲幕

潮落寒汀水欲冰酌君何惜酒如渾人憐狗監知司馬我喜龍
門識李膺爽氣九秋橫楚澤先聲一日到江陵君行自勵青雲
志赤鷄終慙九萬鵬

夜泊青蒲村

黃葉飄：秋滿天數家茅屋更蕭然村中老人不識字溪上小

兒能駕船薺菜登盤甘似蜜薑花紉被暖如綿此中長得無宵
警春雨扶犁學種田

春日遊上方寺因過別業

今日雨晴山亦佳散行聊復馮幽懷田翁入郭買春酒野納下
堂留午齋老去任添新白髮平生能著幾青鞋醉中天地為衾
枕却笑劉伶死便埋

次李希顏述懷韻

八月邊聲草木寒愁來短髮不勝冠諸公莫謂王夷甫我輩終
慙管幼安酒券如山空好客田毛何日再論官蘭陵溝上松無
恙還有孤猿夜：看

登狼山醉題僧壁

白狼山頭僧菴卓我躡飛屐窮幽探麻姑又見海深淺女媧不

補天東南危枝如龍固矯々怪石似虎猶耽々興來捉筆寫狂
語此身只合棲雲龕

題朱伯禮西村草堂

愛汝西村之草堂
蠶塵不到堂中央
夕陽欲下山更少
大火未流宵已涼
雙屨也能來戶外
小舟剛遣繫籬傍
豈無百榼揚州酒
與子同醉歌滄浪

寄崔宗文

白髮無家七十翁
節枝漫指在西東
不因避地下吳下
正愛看山入剡中
臺閣故人書信少
江湖狂客酒船空
老懷無限平生意
清話何時一夕同

寄蔡彥文掾史

鳳凰池上神仙吏
却是中郎樂業孫
幕下豈無奇計出
牀頭猶有異書存
防秋列寨山如戟
蒸土為城鐵作門
何限民間可憂事
老懷那得與君論

送陳性之崑山從事

只將從事寫前銜
省檄風來自折緘
六案更須勞綵筆
一官猶未換青衫
風生海市朝持酒
日落江城暮却驂
我未識君空悵望
恍如烟水隔仙凡

重遊虎丘寺

海湧峰頭行徑微
芒鞋欲趁孤雲飛
風高木客作人語
月出天王騎虎歸
傑閣重樓遮隱見
寒泉古木相因依
荒丘王氣豈消歇
干將莫耶千載稀

題何德深溪南小隱

宰相官之不受招
碧梧林巷自逍遙
溪頭二月花先發
洞裏千

宋元詩會 卷之八十六 十一 鈔本
年雪未消朝士過門時載酒仙人飛佩夜吹簫社圖誰寫耆英
會還肯中間著老樵

寒食日松江有懷廣陵

老來偏欲惜年華春正濃時不在家江上苦遭寒食雨夢中猶
見廣陵花書藏舊篋應無恙酒憶新樓不用賒日暮荒城聞鬼
泣東風吹浪滿天涯

送秀巖上人歸日本

廿年中國遊方偏看水看山念：非海眼枯時千劫壞日頭翻
覆一僧歸黃梅雨打袈裟濕白蜃雲隨錫杖飛富士巖前留語
在庭松西長舊禪扉

同張仲舉夜宿寒橋

柔櫓聲乾破窸窣青山磯下宿寒橋乾坤萬事隻蓬鬢風雨孤
舟半夜潮丹鳳不來秋已老玉人何處水空遙幾時重醉秦淮
酒細聽漁樵話六朝

李子英心遠亭

門外黃塵掃不開何由吹得到靈臺閒看倦鳥投林去靜愛孤
雲出岫來彭澤高人多送興我眉仙客有天才祇今誰到悠然
處同采秋香共一杯

送袁孝文赴帥幕

少年書劍學從軍幕府于今氣不羣白髮元戎多好武青衫從
事最能文帳前草檄花如雨江上維舟水似雲把酒高歌成遠
別不知何處又逢君

南城暮春

南城雨盡午風和二客相從步屨過流水陂塘春事減落花門

巷晚愁多銀瓶自瀉沙頭酒寶琴誰調陌上歌莫寫江南斷腸
句賀郎憔悴髮空皓

周平叔夜宿崇明寺海雲樓借羅城之隱君文長老靈隱
君以沙頭雙瓶為韻

天台老衲兩眉龐自起高樓枕石杠煮茗別開留客處論文多
近坐禪窓冥鴻散去猶相逐獨鶴飛來不作雙明發仙舟上霄
漢定傳詩話滿滄江

丘克莊敬雲樓

君家樓外雲如海五色輪困掃不開每就月明簷下宿更隨秋
色座中來瓊臺夜鶴迷蹤跡玉女春衣費剪裁看爾騎鯨朝帝
所舉頭西北是蓬萊

題玉岩溪山野趣圖

流水淙淙石路迂滿庭雲氣欲模糊白鷗溪上秋多少黃葉山
中徑有無十月雨深漁屋破三江風急野船孤年來難覓幽居
處空向晴窓看畫圖

送馬令尹任滿

長洲赤子窮無告正賴郎官為撫摩兵後人家猶未報日長官
社有絃歌越來溪上波聲小魯望祠前月色多自古長才須大
用薦書元不待常阿

送羅成之移居崇明其子季通亦之本州教官

生先八月乘烟霧妻子同隨海上槎太守賓筵先肅客廣文官
舍即為家波濤浩蕩蔽陰火島嶼微茫接太霞聞說三洲多藥
草可能無意到丹砂

寄靜逸處士願仲庸

牙元詩會 卷之八十一 十四 鈔本
環堵蕭然一室寬只除詩酒寄清歡瓶中有粟分寒士袖裏無
書上達官揚子暮年空識字龐公早歲已遺安先生獨卧風塵
表吾欲相從接羽翰

欲卜居海上未有定止先作寄紫步劉子彬

滿目風塵祗自憐輕裝已辦有行纏也知避亂依城郭更欲移
家傍渚田紫步于今無士馬滄溟何處有神仙桃源只在人間
世還許漁郎放釣船

送傅德潤陪將作同知武昌買馬回京

維揚館裏送軺車却笑公携八載餘天使出來沙苑馬星郎厭
食武昌魚數鞭已報充華廐上冢毋忘過舊廬老我平生無駿
骨應從郭隗借吹噓

送盛克明辟椽浙省移家吳興

十年三送滄江別此日分携又不同辟椽遠趨青瑣闥移家喜
近水晶宮勿論後會知何地且念離羣獨老翁幕府郎官應問
訊為言憔悴坐詩窮

寄靈禪師四十年前在天寧方丈曾有求賦毛女者

短杖輕包歸去來水雲多少處塵埃一春海鳥依簷宿五月溪
蓮繞舍開雲外送僧歸日本月中携客過天台衰翁不得瞻圓
相猶望新詩託雁回

送清淮叟上人遊五臺

雁門西畔是靈山作素螺五髻鬢春日花開殘雪裏僧房人
在白雲間善財參問何時遍文暢嬉遊幾日還淮海清公更瀟
灑早將聞見動禪關

和李克約東皋雜興二首

一春開遍雨中夜幾向東園管物華老去始知身是客愁來空
擬醉為家江樓簾箔霏香霧野塞旂旂約采霞曳杖歸來還自
笑夕陽原上數殘鴉

芍藥花開江雨晴幾時重作看花行松間携上從教俗竹下留
賓也自清一夜春愁無處着三分月色為誰明貧家亦有琴堪
典好把平生意氣傾

甲午除夜有懷孟景章

夜窻兒女笑燈前亂世安居又一年鄰甕且分婪尾酒客囊從
換折腰錢淒消屋角貧嘗雪寒壓爐頭楫杻烟安得重陪孟東
海劇談終夜不成眠

六月書所見

干戈滿地起風塵民物凋零府藏貧黃犢烏犍烹作食雕梁画
柱折為薪江淮經理須賢俊草澤誅求到隱淪謾道寬心應是
酒老夫三日未沾唇

九月十日自壽

余生堪嘆復堪憐喜際明時老市廛把菊已從前一日種桃猶
待後千年但令有子親書帙莫怪無人送酒錢寡欲清心今得
矣煉丹何用學神仙

時寇未平感時傷事寄張仲舉

邊報紛紛日轉頻彭城猶未息風塵中原白骨多新鬼浮世黃
金少故人阮籍一生惟縱酒季鷹今日定思蓴河東鶴叟應
相憶落髮茹淚滿襟

宿鶴沙張氏草堂

草堂借我作行窩杖屨頻煩太史過滿地白雲清晝永隔溪黃

鳥綠陰多銀瓶自瀉中山酒鐵笛誰翻小海歌今日逢君須盡
醉西家停館奈愁何

寄周平叔先生就求蒼耳子

周侯久不通書問夜：滄江入夢頻五月採來蒼耳子幾時送
送白頭人沙頭酒熟田毛足港口船歌海錯新南北相望千百
里若來幽獨倍傷人

送智隱往水月禪寺

放船直到樓禪處萬頃湖心一鏡開綠樹鳥驚風落果碧潭龍
去水生苔西岩尊宿傳燈在東海高僧杖錫來今夜月明清似
水大着無地着纖埃

王御史綉榮堂

色絲不染胭脂井銀漢縹成五色紋織女機中翻海水諫官衣
上綉春雲清岩地位人誰到錯落天章手自分他日錦歸當日
畫江花江草亦欣欣

淡香亭

幽芳不自媚白日靜依依風露已如此山中人未歸

徽廟御画梔子白頭翁

梔子紅時人正愁故宫衰草不勝秋西風吹落清城月啼得山
禽也白頭

唐明皇吹簫圖

寢殿春深晝漏遲榻前侍女立多時玉簫自按霓裳曲賜與梨
圖弟子吹

廼賢

字易之官翰林
有前尚詩集

送邵元道 四首

仲連匡世才揮手却秦軍掩袂停白日登車抗浮雲射書城草
草孤城死生分辭榮敦薄俗矯離其羣

虞卿舌轉丸揣事動微茫事危見交態窮愁名益彰黃金散逝
水白壁凝飛霜丈夫有定志得失非預防

梅生一尉微喋喋正天紀洗心洞玄化削跡無妻子龍變誰為
馴蟬蛻乃真止松迴風冷水落石齒齒

襄陽次浩然拂衣歸故山故浪岩壑深流咏遺人間舉袖林花
落擊楫江鷗還羊公何墮淚水聲日潺潺

次韻元復初春思 三首

叢薄回青陽羈禽競新唳喧喧人語浮稍稍春事動澄心待芳
華小睡足幽夢覺天宇新朝花破簷凍

游塵逐平泉秀色翳榛莽彤雲互東西飛靈仍變雨昭蘇在玄
功步屨復延佇何當上青冥振翮窮委羽
遠客芳草思湛天外舟坐令親知潤低徊此淹留古樹擢奇
石清流滙芳洲素心諒有在胡不為茲遊

李老谷

高秋遠行邁入谷雲氣暝稍稍微雨來漸怯衣裳冷紫紆青
窄香篠烟林迴峰迴復開豁夕陽散微影霜葉落清澗寒花媚
秋嶺途窮見土屋人烟帶壺井平生愛山癖竭來愜幽靜月落
聞子規懷歸心耿耿

新月行

江南小兒不識愁新月指作白玉鉤家人見月更歡喜捲簾呼
我登高樓三年留滯京華裡袞黃塵馬頭起一番見月一番

愁歸心夜逐東流水在家不厭賤與貧出門滿眼多故人誰念
天涯遠遊客只有新月仍相親

予有山水圖留倪仲愷太史所久未得題一日危太僕謂
予曰昔人曾以酒解醒子曷作詩趣之亦此意也爰成

是章

野人作屋青山底綠篠娟娟映秋水天涯作客想江南乞君題
詩畫圖裏畫圖疊嶂雲鈎聯汀花碧草春依然對此令人動歸
興却思把釣清溪邊一束殘書挂牛角大笑青天看日落窻下
孤燈夜雨聲人間萬事秋雲薄明年我亦去山陰君歸泛雪須
相尋草堂下榻看圖画為君驪酒聽君琴

賣鹽婦又有新婦一首
與此詩同意刪之

賣鹽婦百結青裙走風雨花灑鹽作鹽滴背負空筐淚如雨

三日破釜無粟煮老姑饑寒更愁苦道旁行人因問之拭淚吞
聲為君語妾身家本住山東夫家名在兵籍中荷戈崎嶇戎吳
越妾亦萬里來相從年來海上風塵起樓船百戰秋濤裡良人
賈勇身先死白骨誰知填海水前年大兒征徐州徐州未復軍
尚留去年小兒攻高郵可憐血作淮河流中原封裝音信絕官
倉不開糧缺空營木落烟火稀夜雨殘燈泣嗚咽東鄰西舍夫
不歸今年嫁作商人妻綉羅裁衣春日低落花飛絮娛深閨妾
心如水甘貧賤辛苦賣鹽終不怨得錢糴米供老姑泉下無慚
見夫面君不見綉衣使者澗河東采使詩想欲觀民風莫棄我
儂賣鹽婦歸朝試奏明光宮

二真廟詩

東陽杜氏二女子早喪父母鬻餅市中厨人挑之二女憤殺

厨人走匿仙居之孟溪夜雨水漲皆溺死其屍閣巨木上蒼
 藤纏束若殞宮然乃隋大業間也唐仙居宰令狄某封其遺
 骨為塑像建廟溪上自爾水旱之禱輒有奇徵宋令陳襄碑
 之今使君東陽陳君元祥督漕入京上其事于中書命太常
 議封貞惠貞淑二真仙詩以紀之

君不見瀟湘江上斑斑竹雨灑疎林淚痕綠又不見金溪縣裏
 兩婢娟身化白金金賤復岷東且字句疑至今九疑山下大
 江西窈窕祠堂依古木仙居更有杜貞娥千古清風凜相續貞
 娥驚餅東陽市厨人相挑憤切齒提刀夜斫賊奴頭勇烈真同
 丈夫子脫身竄匿來孟溪水石澗飲幽崖棲梵姊妹自相保
 天寒愁聽哀猿啼夜雨奔流溢山趾月黑溪深黯無底嗚呼雙
 娥同溺死玉骨藤纏高樹裏聞元賢令銜餘哀築祠却傍蒼崖

開悲風蕭蕭落山葉精靈日暮猶歸來陳侯自是古靈後來宰
 仙居事非偶瓣香赤脚禱龍湫秋沛甘霖起枯休朽去年飛章徹
 九門紫綬裁語褒貞魂鸞車孔蓋蔽白日鬢髯趨謝朝家恩男
 兒堂：軀七尺忍垢含羞污簡冊如何貞惠貞淑兩員仙雙坐
 神皋長廟食

行路難至正己丑夏古相朵兒只拜國王就國遠東左相賀公亦左遷感而有作

行路難：行路黃榆蕭：白楊暮槍竿嶺上積雪高龍門峽裡
 秋濤怒斑：虎豹當大關蒼崖壁立登天難千車朝從赤日發
 萬馬夜向西風還鑑湖海船苦不早遼東白鶴歸華表夜雨空
 堦碧草深落花滿院行人少世情翻覆如秋雲誓天軟血徒紛
 紛洛陽爭迎蘇季子淮陰誰識韓將軍行路難行路難白頭總
 被功名誤高樓昨唱歌舞人丹旆曉出東門去子午谷終南山

青松茅屋相對閒拂衣高歌絕頂請看人間行路難

送楊待制出守閬州兼寄家兄

簪筆三年侍禁林分符還向蜀江潯暮雲盡處峨眉出春雪消時灌口深鈴閣雕盤香冉冉臺門畫戟畫森森錦屏山下多遺蹟好覓城南老杜吟

會稽代祀婦

白頭萬里喜來歸小院深：過客稀睡起無題閒錦索春來多病怯羅衣流鶯亂蹴殘紅溜乳燕連穿散絮飛莫道山房渾寂寞卧聽小女學鳴機

春日次王元章韻

翠憶金車錦駱駝芙蓉綉褥載雙娥雨晴輦路塵沙少風起春城柳絮多秉燭且留清夜飲倚欄猶聽隔牆歌山翁此日心如

小夢斷江南雨一簑

次龍段吉甫助教春日懷江南

花底開樽待月圓羅衫半裛酒痕鮮一年湖上春如夢二月江南水似天修禊每懷王逸少聽歌却憶李龜年十鄰擬住吳山下楊柳橋邊艤画船

宋元詩會卷之八十七

皖桐陳

焯默公輯選

後學程

仕松皋叅較

傅若金

字與礪任廣州教授順帝元統三年出使安南其宿天使館二詩最傳于世有玉樓集若金妻孫惠蘭亦能詩早卒見閩中

歌風臺

黔首厭秦暴龍德奮炎劉英雄乘天誅拔劍起相仇天風墮陵谷飛雲揚九州天下事已定懷土未遑休置酒宴高臺中厨進庶羞悲歌落林木父老皆涕流功臣日薙醢壯士復何求至今豐沛間長顧使人愁故鄉帝所愛零落遺舊丘大運各有終賢聖誰能留焉知萬歲後魂魄復來遊

題宜春鐘清卿清露軒

秋氣集太虛夕光團高樹時聞陰液墮暗識商飈度旋：星動
 林英：月霏霧涼局息塵想幽琴寄玄悟寂歷松上聲逍遙丘
 中趣釣天淡斜景銀河暖微素古調今所稀大音誰能喻仙人
 飲沆瀣壽命金石固千歲不可期空歌徒延慕

少年行

長衢若平川輕車馳流波上有都人子明肌艷朝霞芳塵揚遠
 風白日耀舞羅少年輕薄兒調笑相經過狎坐酌美酒日暮酣
 且歌千金罄一笑豪右馬能加時俗誇朱顏美女悅春華春華
 豈不好遲暮當如何

雜詩四首

植蘭彌九畹種菊被三徑幽芳乃殊姿馨德良可並寒蘭以為
 美餐菊以資命嗟言理蕪穢恒使枝葉淨蕪穢苦易侵枝葉苦

不盛豈無桃與李貴此諧野性

閒夜坐中庭素月流我懷鳴琴發遠思俗音難與諧微颺經前
 楹徐響正裴回欲歌南風曲聽者良以希願言薦清廟復感鳳
 來儀

異人言種石可以致雙璧千金受玄秘辛苦乃獲^有温其比君子
 韞積良愛惜青蠅為汗恒恐傷厥德連城不願售思以置君側
 終歲無與言持之將安適

皎：素明月娟：舍令娑浮雲遽起滅圓影遂參差山川莽回
 互天地亦相疑焉知冥昧中明潔終不移弦望有恒運清光寧
 久虧

題淵明漉酒圖

淵明性嗜酒所遇適其真漉酒東籬下邀若旁無人捐綬非所

宋元詩會 卷之八十一
各馬愛頭上中田園日成趣松菊相與親百年何為爾酩酊及
茲辰陶然至和內混沌以為隣

羣雁圖

微茫洞庭野隱約瀟湘岼鴻雁將栖息飛鳴求其伴先集良未
安後至淒欲斷使我懷弟兄因之中腸亂留連江海遠慘淡秋
暉晏常恐隨天風高飛入雲漢

題墨梅

老樹亞晴空疎花帶寒野風流不自惜淡泊從人寫歲晏孰相
娛空山少來者

題衛知事廣行倉西軒墨竹歌

吾聞渭川竹如簣太倉欲致那可得開眼睛烟落戶牖透裳水
雪生胃臆愛之借問作者誰母乃與竹同標格自是君懷足清
致故須好事留真迹陰深森雨氣發中林颯爽秋聲起前席微坡
直具百畝意老幹真憑萬鈞力玄豹猶含隱霧章蒼龍已奮千
霄翼火雲六月思遠避安得坐我林間石待實誰憐彩鳳饑釣
鰲未試長竿直為君歌罷久嘆息羣玉蕭：動高壁

邯鄲行

邯鄲城頭下白日邯鄲市上風蕭瑟故壘壘空餘烏雀悲荒垣只
見狐狸出何主墳墓對山河尚憶諸侯爭戰多趙客歸來重毛
遂秦軍老去畏廉頗黃塵白草宮前道鬼火如燈夜相照公子
秋來不見歌美人月下那聞尖當時冠蓋激浮雲搥鐘拷鼓宴
青春只今惟有郵亭樹還送年々行路人

八十里山行

桂林之區徭賊雜處南有八十里之高山絕天綿延間險阻賊

人倚之作巢岩劫掠經年勢還大官軍政捕費供給主將遂巡
竟何待居民近山晝夜愁四下行人皆白頭况聞良家半為賊
官府貪橫仍誅求安得大聚邊頭兵甲鑄田器盡鋤高山作平
地高山平徭賊斃

桐爵硯歌

鄴中文碑天下奇流傳為硯亦堪悲月砌寒傾古臺暮雨犁耕
出斲釵時荒涼火燒狐兔窟金棺別葬奸雄骨石麟暗刻魏春
秋銅爵空題漢年月可憐此硯依浮世曾見高筵美人醉行迹
猶露舊襟塵啼痕已滅新妝淚向來登踐日紛紛即今磨洗見
奇文題詩為弔西陵樹幾片殘霞入雁羣

牧中去題袁慶遠經歷所藏画

牧中去千山復萬山上山日出愁起晚下山日入苦行難手中

鵠鴝牛伴侶養來多日能人語縱牛不牽繩自垂聽他行食母
苦之欲歸尚憂牛不飽更近前溪多水草但願年年牛盡肥主
翁足食身足衣農家養牛國所賴惡少城中殺牛賣

送楊元成奉旨之徽州過家錢塘

綠槐五月高雲冷行人辭闕歸鄉井奎壁秋迴帝座深斗牛夜
隔天河永君今^衛却命出江關却到新安幾日還天上應須朝絳
節湖邊何得愛青山

江州社日阻風

社日長為客行人總念羣湓江春過雨廬阜晚生雲綠酒洽歡
飲清絃送別聞風檣未得動堅坐且論文

下邳懷留侯

豪傑閭休運乾坤屬遠猷自須成漢業豈獨報韓仇黃石嗟長

往青山感昔遊同時多草莽事定覓王侯

七夕

耿耿玉京夜迢迢銀漢流影斜烏鵲樹光隱鳳凰樓雲錦虛張
月星房冷閉秋遙憐天帝子辛苦會牽牛

賦得天際舟送兵部張孟功治河

日下行人發春晨去鷁催纜侵斜月解帆向斷雲開愛鳥窺詩
卷垂虹映酒杯尋源不可盡奉使幾時回

送金華王琴士還山

年少金華客囊琴暫出山忽聞春水滿徑逐暮雲還三洞飄玄
鶴雙溪下白鵝應尋牧芋子時過綠蒲闌

寄題余泰亭隱居

聞說幽棲處遙連郁水天徑開移竹地渠引灌花泉坐客留傾

釀鄰人訪草玄京華遠遊子那得共盤旋

別龍州蕭從事韶二首

北極絲綸下南陲政化通靈槎浮度斗瘴艸偃隨風殊俗難為
別清談喜屢同馳驅不可往心切大明宮

使節明金虎腰弓偃画蛇蠻方趨蹕令原隰見光華邊樹猶含
綠江梅久放花憶君依幕府何日定還家

梧州嘉魚亭

舟楫回沙驛旌旗駐郡亭江通五管白天落九疑青此日瞻雲
氣誰家見客星軍需晝夜急冠盜幾時寧

別靜江文學諸公

乍見先愁去將行未忍分字期歸後寄歌畏別時聞驛樹過春
雨江船隔夜雲驅馳念我弟羽翼待諸君

金陵晚眺

金陵古形勝晚望思迢遠白日餘孤塔青山見六朝燕迷花底
巷鴉散柳陰橋城下秦淮水年自落潮

京師守歲

日月催時序乾坤隔晦明殘年萬里夢今夕幾人情久客煩朋
友隻親倚弟兄深慚須薄祿不得謝浮名

韓淮陰廟

淮陰千古英雄恨楚樹荒夕照殘水夾廢城春草合雲昏迷
廟野花寒封齊安用真王印興漢空遺大將壇帝馬旌旗俱寂
寞斷碑零落後人看

送唐子華赴嘉興

聞君秋思滿南湖行李今晨發帝都幙府初乘從事馬江城還

憶步兵鱸樹浮白日山侵越潮蹴青天海入吳閭暇憑高動詩
興須成一醉掃新圖

和危山曜寄弟

故園兄弟總相思久客懷歸失期司馬却慚題樹柱早方東翻
上書遲都門柳暗愁中見鄉國花繁別後知昨日南橋放春水
望雲回首獨多時

題画船入蜀圖送夔州教黃尚質

楚客之官泛蜀船画圖盈尺見山川九江樹色瀟湘外三吳猿
聲灑灑前方譯漸通巴蜀語國書新漢人傳豈無好事能携
酒問字時：集講筵

王氏相師山莊

相師之山雲杳冥千岩萬壑倚空青上方雷雨蔽天井南極風

烟落洞庭溪客去迷花蕩：野人居愛竹冷：何時遂買登山
屐乘興還來扣石局

過故妻墓

湘皋烟草綠紛：洒淚東風憶細君每恨嫦娥工入月靈疑神
女解為雲花陰午坐湖金剪竹裏春愁冷翠屏留得舊時殘錦
在傷心不忍讀回文

其詩二首
見香奩集

汴梁

汴上荒城繞故宮山頭危石墜秋風第門市起聞嘶馬梁苑樵
婦見斷鴻鬪草尚餘殘後碧進花無復盛時紅欲登高靈盼先
斷滿月閒愁賦未工

送姚子微

雙闕除書下玉階三湘回櫂拂冰崖天垂銅柱南低海城入金
陵北近淮江國雁來秋肅：驛樓鷄動曉啾：大家定有東征
賦鮭菜隨船慰老懷

送盧茂實之廣東憲幕

仙城近接衆山迴憲府遙臨百粵開海上喜通持節使幕中兼
得濟時才鮫宮識罷魚龍出蜃戶珠環蚌蛤來預想到官多暇
日清詩題徧嶺頭梅

徐州

斷山數里見浮屠木樹微茫映日疎舟楫徧經危石過人烟稍
近白雲居朱陳縣遠思遺俗楚漢臺荒想故墟萬古風帆自來
往新詩吟罷獨躊躇

雪中次元茂才

北關今晨雪滿墀腐儒憂國畏人知月寒弱水迷三島雲暗蒼
梧失九疑瑞木細飄天上葉梅花潛發嶺南枝山陰那得乘佳
興起繞前軒自咏詩

出郭

晴光縹緲汎青春遠色氤氳動紫塵出郭自因芳草意尋溪兼
得野情新花邊古寺翔金爵樹底高墳卧石麟却倚層丘望城
闌上方雲氣繞龍鱗

寄河間趙運使

雪盡官河春水生移家還出鳳皇城竹間退石占靈鶴花外題
詩聽蚤鶯並井青烟晨縹緲漕溝素月夜分明京華久客遙相
憶欲託音書不稱情
候友人不至戲作

儀真城下菖蒲節晴日江頭錦繡文旗影送船侵樹過笛聲催
鼓隔花聞雙龍鏡化閃風雨五馬歌沈暗水雲日暮故人期未
至誰家看舞石榴羣

送趙仲禮御史兼呈王御史侍御二首

建業城頭烏亂啼知君感古夜聞鷄淮楊貢賦元趨冀晉宋文
章漸入齊草疏或依松影坐哦詩應就竹雲題書來肯憶京華
客日日長衢聽馬嘶

賜書南粵初歸日駐楫秦淮欲暮天嘯咏偶經梁舊寺登臨猶
憶晉諸賢謝安別墅蟲鳴裏王導新亭鳥去前多謝府中賢侍
御別時能作送行篇

答何好禮

鳳凰城中花若烟客遊多是感流年春生江漢思南國雪盡幽

并見北邊遠使豈貪歸有素微官仍苦坐無毡相逢未恨今晨
別滿把驪珠慰目前

同孔學敏遊仙遊觀

鳳音亭下草如熏誰見仙娥倚翠屨環珮忽疑遊愛得笙簫猶
想去時聞湘江竹暗連春雨衡岳花開隔暮雲千古遊人自未
往登高回首思紛：

寄方君恕

聞君卧席近如何閉戶時應賦短歌安石或能携妓出子猷帶
撥櫂船過微風倚檻宜修竹落日臨池愛綠荷也念湖邊未歸
客秋山回首白雲多

送湘中李從事赴郴幕

長沙上遊山木窳柳楊自古說名邦天圍翠鶴連三楚地合清
湘赴九江歸去收書經石室坐來拄版對雲窓西風慘淡都門
別莫愛愛樓倒玉缸

過興安縣

亂峯如劍不知名篁竹蕭蕭送驛程轉粟未休灘水役負戈猶
發夜郎兵百蠻日落朱旗暗五嶺風來画角清空使腐儒多感
慨西南君盜幾時年

題安南天使館

元統三年頒正朔詔書還到極南開使旌入館青雲動仙蓋臨
江白日迴諭蜀豈勞司馬檄朝周終見越棠來北歸者舊應相
問文化如今偏九垓

却侍姬

夜宿安南天使館主人供帳爛相輝寶香烟起風過席銀燭花

偏月照幃王母謾勞青鳥至文蕭先放綵鸞書歸生自是心如
鐵莫遣行雲亂濕衣

陳高

字子上平陽人官淮陽值亂雜多感時思鄉之句其詩集名存素

南有山思友生也

南有山高維靈矣其上伊石不可以輿兮念子之遠莫我愉兮
南有水清淮其流矣其伴伊陸不可以舟兮念子之遠莫我俦兮

漢水贈別也

瞻彼漢水其流潺湲之子于邁言采其蘭嚶嚶好鳥集于林間
娟娟美人可以晤言我思美人在漢之埃秉心允臧威儀楚楚
聿求厥德將子是與慎尔優游成尔譽靈南山有玉琢以為琚
北山有梓規以為輿君子好修始終弗渝

發嶧縣

行役苦晝夜熱戒程當夜闌睡覺呼僕夫出門路漫漫明月照人
影疎星挂樹間流螢點衣袂零露濕巾冠潮遠剡溪水俄入新
昌山屬茲干戈際愈覺行路難愧無經世資何以濟時艱悒悒
抱遠思綿綿起憂端東方忽已白林鳥鳴閭闔前瞻石嶺峻喟
然發長嘆

容春軒

層軒結構幽當憲蒔花木詹雲棲夕陰庭鳥鳴晨旭四時景物
佳早晚風氣淑主人頗解事洒掃置書軸携琴來佳賓開樽瀉
醴醪微酣有餘歡諧笑春意足寧知城南居秋風滿茅屋

對菊分韻得頌字

佳菊性所愛金英霜後敷見之開旅懷移值向庭隅豈無杯中

物幽賞與誰俱今晨好友過花下共歡娛西舍新醪熟足以供
所須

惜別分韻得與字

江山無行人天寒况風雨出門讎友生情深別良苦褰衣感繼
繆豈不念留處高堂想歸期歲月不我與停舟且勿迫傾樽出
清醕酒短意更長含凄我無語

泊館頭步

朝發芳林嶺夜依館頭泊厭茲跋涉勞懷哉田園樂生理苦艱
難歸耕嘆悠悠貧窶何足憂甘旨烏所托栖：道路中素心負
丘壑行年三十餘餘齒牙半搖落良由筋骨疲豈但質衰弱憂思
耿不寐起觀衆星白羣雞鳴江皋已復戒行客

晚歸

西崦日初沒遠樹生夕陰晚步草露濕獨歸松徑深入室載言
笑稚子牽衣襟樽中有濁醪可以酌復斟坐來憲牖白佳月出
東林幽情寄觴咏適意志華簪自得閒居理寧憂外患侵

同蔣伯威朱德常遊育王山得冷字

春晴烟霧開地勝林泉迴杖策隨諸彦尋僧訪幽景古迳人影
稀落日松陰冷徜徉谷鳥散臨憇山房靜玄賞誰能忘塵慮從
茲屏

山居

避喧林下居抱病山中卧家貧酒屢空性懶詩慵課禽聲隔樹
啼雲影當窻過獨有采樵人時來慰衰情

晚步

雨霽野色淨杖策步殘陽度橋尋幽徑沿溪遠西莊隴麥生微

秀籬菊散清香行吟來復往零露勿沾裳

落梅曲

梅花開滿枝無奈曉風吹風吹花落盡爭似未開時
花開終有落非關曉風惡愁殺愛花人
城頭復吹角

題山居圖

層巒積翠色中有嘉樹林幽人此避世
結屋山之陰携琴出山去獨懷千古心
知音不可見歸路白雲深

懷友

作客黃山下思君漢水濱
愁牽清夜夢吟瘦老夫身
漂泊誰知我文遊獨此人
春來尋小艇江上問通津

寒食寓興次黃宗魯二首

浩蕩乾坤大羈棲歲月深
他鄉對寒食愁思滿淮陰
詩句慚孤

詠春花孰共尋相逢同君子
時復一論心

去歲清明節天台看杏花
淒涼今日事漂泊楚人家
淮楚風塵暗鄉山道路賒
倚門親白髮反哺愧林鴉

獨客

獨客悲清夜高秋託異鄉
月侵窻影白風度角聲長
野戰生新鬼邊烽照近疆
歸耕吾計訣不必問行藏

贈章以元昆仲

相見談經史江樓坐夜闌
風聲吹屋響燈影照人寒
俗薄交遊盡時危出處難
衰年逢二妙亦得問懷寬

送胡希元歸江西

落日烏紗帽西風白布裘
吏才兼翰墨羈旅亦風流
聽雨留僧寺看雲憶故丘
他鄉同泛梗那忍送歸舟

四月十六日寓玉環喜家童來住至
數月思家信今朝喜汝來妻兒憐我遠懷抱向誰開山谷多烽
燧田園半草萊大軍消息近故里尚堪回

病中遣懷

卧病玄冬半羈栖碧海邊風塵方滿野戎馬已經年下邑供軍
食何時發漕船薄才無寸補自合賦歸田

久卧思登眺扶衰漫倚樓山紅斜日映江白晚烟浮行直書空
雁帆歌入浦舟病身慚食祿長兼五湖遊

懶拙

懶拙從人棄行藏與世違陶潛辭米去張翰憶蓴歸
釣貪春水看花愛夕暉便須開竹迳還製芟荷衣

入山

入山驚道險山嶺覺天低日礙危峯過雲低翠壁栖幽花如血
染怪鳥學兒啼避世須來此桃源路已迷

過李家坑

鳥道高千丈雲山入萬重汗流愁赤日力倦倚青松羣僕頻相
失行人竟不逢田家何處有僧寺隔前峯

遊雅山寺

上方殊勝地長者給孤園挂壁袈裟靜生階秀草籓樓光凝晚
照樹色映前村法食干戈除真知象教導

送別

平生幾兩屐丘壑每窮探訪鶴青田曲穿雲雁蕩南老成羣輩
服姓氏眾人談相見復相別題詩興不堪

橋上

東坡詩集 卷之八十一 十一 鈔本 存素堂

落日清溪上涼風梓樹秋北來船竟泊南去水空流宇宙終無
極干戈未肯休野人無意緒獨立數歸鷗

元日

元日風蕙雨蕭條野外村過門車轍遠記節酒杯存戰伐看今
歲栖遲且故園兵戈如未息身世豈須論

重登近山樓

羈旅歸來日危樓得再登山如前歲好雲向小窻凝種木看今
長歲書比舊增題詩成感慨老我愧何能

題中峯樓

中峯之樓風景幽山花滿屋翠雲流海天日出蓬萊近月夜烟
清沆瀣浮溪上松陰歸晚鶴簷前花樹語春鳩齊山渺黃塵
裏此日登臨是勝遊

獨望

獨望東南日向晡風高雪盡雁行孤青山天際連於越白水秋
來滿太湖海內干戈猶爛漫舍西園圃近荒蕪文章未必能經
世深愧飄蓬歲月徂

自明回溫留寓郡城不得遂歸田之願述懷有作

西風落葉送清秋力疾凭欄寄遠愁正慕陶潛歸栗里翻為五
祭客荊州山逢近郭東西起江水通潮日夜流景物年々只依
舊獨憐華髮鬢邊稠

客南塘作

江頭無計問歸舟抱病羈栖古寺幽風雨鶯花成寂寞干戈詩
酒廢賡酬衰年白日愁邊度故國青山夢裏遊見說王師向淮
甸早須傳檄定南州

題花竹翎毛

棠梨三月吐花齊布穀飛來樹上啼想見小園微雨過春光都
在石欄西

子昂圖

風動秋山日已曛舊時林苑盡荒蕪王孫去國猶無恙解馮江
南相樹圖

蘆溝曉月圖

蘆溝橋西車馬多山頭白日照清波毡爐猶有江南婦愁聽金
人出塞歌

岑安卿

字靜能平陽人與李五峯
孝光同時其詩為栲栳集

偶讀戴師初先生壽陳太傅詩二首依韵感賦

貧夫富且壽告人饑復寒什襲寶燕石白壁泥塗間老成愧苟
得童孺羞無官如何羊裘翁不念歸來難
諄諄我自致勿怨生不辰蒺藜非所據石卜陷厥身始知膠漆
心千載雷與陳蠅矢任黑白頽然自天真

百雁圖

雖：鴻雁羣渺：水雲國白雪剡川藤玄香牧溪迹形真具生
意彷彿二百翼四海兄弟情於茲見叙秩前鳴後如磨高下低
復逆隨陽足稻梁直夜防機弋水寒蘆葉黃霜清葦花白羣遊
得所止一氣同悅擇哀哉淮南謠布粟歌斗尺東阿賦豆箕才
高終橫斥觀國適此翻為古人戚今人猶古人毋為後人惜

食新筍

苗薤甕已竭枯鱸筐亦空老芥長芒刺食久咽為痛山雨折竹

胎未入春盤供畦丁適踵門致我親戚送脫綳繡紋散切玉霜
刀弄新香歎湯鼎餘涎送齒縫未倩接詩腸已破食肉夢參禪
誠滑稽煮箒宜笑開贊寧譜亦佳涪翁句堪誦僻居東海偏斯
味時一中山僧應厭餐飽食聽春嘆

和濟天岸法師約李五峯同遊韻

我不識往古誰復知今來彼哉牛山淚祗濕當時襟節序倏代
謝秋風生樹林暑氣日已薄涼氣日已深的我新熟酒鳴我素
蓄葉陶然一今古萬事從無心

和李宰韻

春風吹絲花秋露淨孤月壯年嗜好酒對此每傾悅年來百念
灰搔首惟短髮流光不我與蒼生古人骨常懷却世紛宴坐學
龜息從渠鷗去留不問馬得失李侯官遊蹤來蹴海上宅庭蘭

茁春芽笑語落霏雪詩文嘗我遇老悔資啓發窮思獨善身自
獻殊未屑對酒還當歌甘旨共朝夕君心與我懷相對交嘆息

寄興示諸子

田園日蕪穢衰邁不自治童僕肆疎懶子孫習娛嬉良苗雜稂
莠衣冠纏蒺藜草深狐兔聚水積蛙蚓滋念茲每獨往邈焉起
遐思世事亦如此重令我心悲

咏范氏池亭

虛亭巧結構有此觀魚境碧沼風生紋高林月留影花竹列我
前松杉瘦而穎山環翡翠屏水瑩琉璃井書生東海來山水頗
深省喜有鄭家湖詩文每相警

題太真春睡圖

東風吹香蕩晴晝長安宮苑花如綉海棠一夜折輕紅淑氣薰

蒸困醇酎太真徒倚沈香亭宿醒未解春冥冥肩峯斂翠翳秋
水侍兒夾擁花娉婷玉牀膩滑芙蓉展水暈烟裊金屏煖丹腮
融潤珊瑚温寶釵斜髻烏雲縮上皇玉笛那敢吹地衣紅皴靴
輕移傳念別殿罷歌舞管流鶯不語游絲垂漁陽鼙鼓邊塵動臺
閣無言卿士情婦人一睡四海昏主譜臣謏總如夢翠華西狩
九廟隨禍胎未剪三軍疑馬嵬夢醒生死訣一時禍悔人心歸
驪山舉燧供歡笑戎蹴踏周原草丹青誰寫春睡圖後世不
須歲大寶

和王子英醉後歌

至人超六合造物期同遊飄飄無根蓬蕩蕩不繫舟江河固知
返日夕唯南流鳩鵲爾何為戶牖思綢繆人生友如愁如織朝
看朱顏暮無色如何生死兩忘懷日月梭飛任交擲君不見秦
皇入海求方瞳色括區宇推羣雄沙丘輻輳鮑魚臭一世萬世
今何功又不見班生投筆踰流沙封侯萬里威遠加玉關東望
不可入上書祈請心咨嗟我生于人何所為死當身外亦誰悲
烏鳶螻蟻苦分別珠襦玉柩徒光輝不如生前賦詩飲酒放浪
山水間死與造物默還同歸

姑蘇臺

吳宮築土山為趾俯視水雲三百里臺中歌舞華華麗金碧嶺
屹眩珠翠江花泛浮鳩夷會稽思霸甘卑辭千金不買西子
笑一舸竟逐陶朱歸丹砌草深麋鹿卧淒棘露沾人衣闔廬
丘墓雉為衛至今鐘磬聞餘悲遊人不悟國傾亡松間援筆題
真娘

朝陽臺

巫峯十二青參差石形儼現仙娥姿蒼藤翠木怯淒冷精誠夜
 感襄王思仙衣縹緲仙衣濕雲影飄飄雨聲急陽臺朝暮不勝
 情高唐想像愁無極夢中奇過事杳冥公子雕辭亦曾憶荒涼
 古廟屹江千臺空不見行雲跡遊人悵望尚徘徊古碑寂寞荒
 莓苔

戲馬臺

彭城負劍河為障南屹崇臺勢雄壯重瞳奮跡入秦回諸侯攬
 轡皆東向酒酣盛馬升崔嵬髮翻鬚鬣振雲烟開倚鞭四顧示無
 敵指揮縱虎心雄哉黃金問行亞夫去帳下茫然失謀主楚歌
 聲合潰重圍昔日名駐空故步千年積恨氣未消繞臺泗水撞
 飛濤

望思臺

金臺擎露空崔嵬湖臺築恨心猶哀剖桐殞土事曖昧禍機元
 自生長來壽踰大耋世已稀越國憺人心險賊盜兵誅佞兩非
 是屈楚督戰猶驚疑銜冤竟隕鳩泉里壺闔三老言非遲向無
 少卿護病已上林僵柳何綠起空餘老淚滴文甃斑斑相間苔
 花紫

逢秋

高梧脫葉金井寒璧月夜挂朱闌干銀河萬里浸虛白凌風欲
 訪乖槎仙金壺箭水聲第一画角梅花聽悽惻三山樓閣碧海
 涼老鶴不眠清露滴

謝季仲容見贈

海風立水天空濛瘴雲晝掩蓬萊宮仙人跨鶴天姥東歸來樓
 閣皆無蹤九仙山高玉為戶廣寒夜訪乘鸞女桂香滴露夢不

成看徹霓裳羽衣舞宮袍舞錦花翻：詩成毛骨生清寒飛章
贈我歸剡川推蓬月在梅花邊

次王敬助見寄韻二首

琴書曾遠訪：我海東濱對酒不成醉看花惟惜春青燈書有
味白眼世無人儘有耕桑趣翛然一幸民

祕圖留滯日鄉思已淒：黃卷挑燈閱紅妝掩鏡啼交新情倦
俛感舊恨低迷語及深知處應憐獨鶴棲

九月三日晚與鄭元東對坐至日暮小雨後歸宿偶成

婦人歸未得天際復生陰小雨濕官道清砧傷客心蕭肥蘭蕙
瘦雀語鳳鸞瘖坐對滎陽老空懷正始音

和來竺西見寄

歲暮重時寺詩文喜共論暝雲昏墨嶂寒雨滯孤村別後病翻

劇書來身幸存藤枝肯扶老終扣月中門

寄易禮弟

越客半年住閩溪千里遊山高不礙夢日暮易為愁兄弟終相
憶鄉間非所憂何當先隴側同理釣魚舟

送易直縣伊兄赴松溪

武夸山水最清佳路轉三衢未覺賒百里弦歌初作宰一官琴
鶴早辭家夜涼燈影連書屋溪近松聲雜吏衙遙想政成閒暇

日錦賤試墨品春茶

次鄭元東陪劉同知謁子陵祠韻

画舫秋江集搢紳公餘來弔故人魂子陵名節千年墓文叔雲
仍百世孫高閣清風生玉塵空山涼月墮金尊獨慙老朽無由
到只有新詩可共論

遊東山寺贈蔚東園

東山景物吾州稀
蓮宮璀璨浮春輝
過湖人騎白雲馬
待客僧立青苔磯
花邊舉杯酒一斗
石上解衣松十圍
最愛東崗老禪伯
夜窓為我話禪機

遣興

去年不死今年活
直語半生人不禁
老去諍書從滿篋
春來樂事總闔心
觀魚濯足滄浪水
聽鳥枝筇楊柳陰
我已無心叫闔闔
玉皇高拱紫雲深

重峯寺祈雨後柬李元善

塵尾高揮演大乘
火雲不散愈峻嶒
謾同三島吟詩客
閒訪重峰酒醉僧
翠竹陰移涼夢遠
碧蓮香散暮雲凝
歸途未即添瓢注
猶有長風解撼盃

送杜洲殷山長歸天苔

殷肇土苾詩歌玄鳥祥
建邦思得姓易代復賓王
德澤流千古雲仍偏四方
深源歸還輔晉鄭國亦興唐
奕家聲遠綿世曹長天台存舊譜
地望著清光教育文辭贍漸摩
道義彰移官杜洲曲開講
楸山傍曉日皋比暖薰風
絳帳涼青衿諸俊彥綵服兩兒郎
弟子堪檉楠先生寶棟梁
羣飛迷蒼翳駿足識康莊
歲月圖書滿風雲際會良
伏龍終偃蹇鳴鶴自翱翔
執友陳共帳携家上小航
錦囊詩區區蒼玉佩鏗鏘
壯志高期翫歸心馳故鄉
赤城霞采秀嶺日蒼巾
子峯頭月瓊臺石上霜
暫伸懷土樂爰整好遊裝
下棒薇垣檄遙沾楓陛香
公車應薦剡耆德動交章
不日看除目何時舉賀觴
佳音如我寄魚雁在滄浪

宋元詩會卷之八十八

張翥

皖桐陳焯然公輯選

後學程

仕松皋叅較

字仲舉晉寧人少時負其才倚豪放不羈好音樂喜蹴
 踘不問家業其父憂之翥一且翻然改曰大人勿憂今請
 易業矣乃謝閉戶讀書晝夜不輟遂以詩文知名一時至
 正初用薦者召為國子助教分教上都生尋退居淮東會
 修遼金宋三史起為國子史院編修官書成歷應奉修撰遷
 太常博士禮儀院判官再入翰林為直學士侍講學士乃
 以侍讀兼祭酒除集賢學士授階榮祿大夫翰林承旨致
 仕給全俸終其身卒年八十二翥長于詩其文不逮詩而
 每以文自負常語人曰吾于文已化矣他日翰林學士沙
 刺班示以所為文求改易數句者苦思良久終不就沙刺
 班曰先生于文豈猶未化耶何思之苦也府相視大叢
 平生詩文最多遭世亂散亡所存律詩樂府僅三卷

送黃中玉之慶元番舶

昔我遊四明壯觀溟海波褰裳空山頂曙色寒嗟峨月輪鎔生
 金涌出萬丈渴雲氣忽破碎朱光相盪摩決皆蓬萊宮攜手扶

素柯羣仙迎我笑佩羽紛傚傚颶風歛驚潮騰擲鱷魚鼉浮查
 徑可擘從此超天河精神洞百靈上下煩搗訶歸來已十載遠
 夢時一過君家賢父兄儒術傳世科薄言捧省檄舶署柳婆娑
 是邦控島夸走集聚商舸珠香雜犀象稅入何其多權衡較低
 昂心計寧有訛資閱須歷試壯圖詎蹉跎維官君事為訪岳之
 阿縣應仙者徒往：嘯且歌遐征渺不見空響送相和

題陳孝傳後

昌化陳南仲幼失其生母王氏尋之六年後之永豐縣

百丈山前妾辭主禮賢鎮中子逢母三十餘年一日同白髮相
 看淚如雨阿嬭去時未斷乳兒壯但知心獨苦清湖老嫗天所
 留逆旅主人神使語歸來桑竹溪之許婦前持觸孫起舞雙瓜
 生祥表秋圃豈待旌書動官府吳人買妾紛莫數歲滿母歸遺
 子女巷南巷北不相覓况復山川兩修阻嗚呼千秋復萬古孝
 子之名在寰宇世上洵：忘母人不愧唐昌一坏土

螢苑曲

楊花吹春一千里獸艦如雲錦帆起咸洛山河真帝都君王自
 愛楊州死軍裝小隊皆美人画龍韞汗皆金麒麟香風搖蕩夜遊
 處二十四橋珠翠塵騎行不用燒紅燭萬點飛螢炫川谷金釵
 歌度苑中来寶帳香迷樓上宿醉魂貪作花月荒冒信戟劍生
 宮墻爛斑六合洗秋露尚疑怨血凝晶光至今落日行人路鬼
 火狐鳴隔烟樹腐草無情亦有情年年為照雷塘墓

重賦明山歌送胥式有儀還武昌

式從其師曾堅
子白讀書明山

旰食城南隱居者一生耕鑿旰南野何年携入明山來築樓山
 顛雲在下環山小塢三十六中有清池蔭桑竹日高塢口烟霧

稍稍見行人出深谷池頭古井穿石空絕底暗與江流通井中
鯉魚長尺半人不敢取疑蛟龍隱居何人曾子白誰其從者昏
生式先生喜與山為徒意不在仙在樓居昏也來讀山中書清
泉煮酒不用醑興酣題詩滿青壁墨痕入石青模糊華蓋浮邱
石門麻姑鄰峯丘壑可遊行山中之樂造吾軀生今掉頭不肯
住京塵茫茫歲云莫豈知印亦愛山水人未辨山賞得歸去曾先
生幾時把袂明山行洒掃樓上聽松聲黃精飽啖一千日飛上
丹梯胡玉京

息齋竹石古木為會稽韓李博士題

上有歐陽原功書

老竹葉稀多秃枝新竹碧潤含幽姿籜中春龍張春蟄突出雷
雨頭參差傍躡怪石石罅裂裂憂悅惚疑龍穴山中有樹皆十
圍活幹撐青死槎折霜皮食盡乾鮮文半頂斬立雙極公最後

一株身出羣垂枝倒走陰崖雲李侯標致不可得小字親題別
塗黑縱橫不在摩詰下蕭爽直與洋州敵玉堂學士欣見之濃
墨大書真崛竒森然一片鐵石筆妙甚七字瓊瑰詞此詩此画
今兩絕把玩微風動毛髮只應真宰泣瑯鏤一夜山窻冷秋月

伍牧

宋將尹玉援常州戰死于此

苦戰勤王事精魂泣鬼雄壞城兵氣黑遺鏃血花紅故老談亡
國明時錄死忠長吟一搔首落日烏呼風

題楊太史山居圖

湖上山居好奎題壓翠微烟霞改舊色林壑發清暉松晚看書
罷荷涼坐釣歸圖中有真趣須此挂朝衣

陪東泉學士汎湖

山靄忽空無春暉正滿湖船頭載家樂花裏駐行厨樂任喧呼

動歸從酌可扶使君留客意更為倒金壺

登金山吞海亭了公請賦

危亭突兀戴鰲頭俯視滄溟一勺浮龍伯衣冠蔽下府梵王臺
殿起中流扶桑夜色三山日灑灑江聲萬里秋老我惜無吞海
句但摩崖石記曾遊

寄成居竹隱居

青祀朝士困京華此老蕭間竹滿家山壓窮愁詩強項海枯渴
肺酒槎牙商巖未採芝如草彭澤將歸菊有花孤負江頭理漁
事短蓬春雨夢滬沙

題唐子華函王師魯尚書石田山房

秋水橋邊紅葉林數家茅屋傍青岑岡頭種玉朝烟暖瓏上鋤
雲宿雨深摩詰朝川宜入函少陵韋曲自成吟束薪歲晚來同

煮應許山中道士尋

賦中書左曹小瀛洲

東曹地迴集名郎宛是仙家紫翠房閭闔上通天只尺蓬萊移
出海中央金波日暖浮鳩鵲玉樹春濃下鳳凰幾度夢回清夜
直此身如在五雲鄉

登六和塔

江上浮圖快一登望中烟岸是西興日生滄海橫流外人立青
冥最上層潮落遠沙羣下雁樹欹高壁獨巢鷹百年等是豪華
盡怕聽興止嬾問僧

三月望日遊虎丘寺題小吳軒

海涌風前雲樹盤佛宮飛閣出巔屹虎來古冢金精白龍卧秋
池劍影寒禪老說空留壞石鬼仙題雨下靈壇憑高不盡登臨

興更借西山晚翠看

題述律存道元帥平師宗三州卷後

不用牙璋遠出師將軍憑軾定邊陲
焚口爭軟金盤血漢使高懸
玉帳旂司馬文章傳太史武侯威
畧鎮南夸只今老父蘭滄上擬刻
寧蠻第一碑

次韻存道元帥師宗感時及陵邈山
埃刀寨入貢詩因送

歸回戎

徽外頻驚羽檄飛將軍三起著戎衣
空山狐兔無藏穴平陸龍蛇有殺機
已見趙佗知德更令孟獲識天威
此行整頓蠻荒了箐雨瀼烟好賦歸

二月朔日登憫忠寺閣

百級危梯邈碧空憑闌浩氣納長風
金銀宮闕諸天上錦繡山川氣中事
往前朝僧自老魂來滄海鬼猶雄
只憐春色城南苑寂寞餘花發舊紅

奉答新仲銘禪師

吳楓初冷雁連天夢在江南野水邊
詞客欲歸嗟老大美人不嫁惜嬋娟
豺狼正爾當官道龍象於今護法筵
我識新公老禪衲一鐙蒲坐是真傳

題金陵

運盡黃旂晉祚開天星俄復圻三台
方驚掘地雙鴉起即見浮江五馬來
草暗離宮碑臥土雨殘戰地骨生苔
當時一掬新亭淚誰信清談自有才

王繼學自海南召還翰林再除臺南侍御

天上歸來錦作袍幾陪春色醉宮桃
銀河有路惟飛鵲碧海無

山不戴鰲卿月又臨仙掌動客星偏傍釣臺高廣陵路接金陵
近擬拂塵衣望節旄

吳江

坐倚風檣看太湖波濤瀕洞半三吳寒通上界風咸池氣竄入中
流水伯都雲暗蛟龍應起立雪深鴻雁自驚呼望亭有酒宵堪
醉買得漁家一尺鱸

寄題杜原父懷友軒

尺五城南近世紛移家並來武彥君他年功業誰青史此日山
林自白雲石氣曉侵書幌濕溪聲時雜櫂歌聲故人已有同棲
約杖策行穿虎豹羣

贈馬易之馬疑作乃

萬里征帆渡越江茲遊奇觀世無雙海中蓬島金銀闌天上玉

堂雲霧窓吾道正政須求柱石詩壇從此避旌幢青林白谷歸休
地懷抱因君得暫降

中秋對月時張外史有約以醉不赴

明月中天雲霧消酒醒涼思正飄飄：星河不動秋空闊鐘鼓無
聲夜寂寥露下遠山皆落木風來滄海欲生潮仙家玩事無緣
到虛負瑤樓聽玉簫

鳳山

衰草寒烟老木風南朝佳氣落秋空壁來山鬼遮秦使盤泣銅
仙別漢宮壞埽尚傳祠乙鳥荒池曾見射飛鴻騷人自古多遐
思長在登臨感慨中

冰蟾為金齊賢賦

老蟾素魄稟金精千歲玻璃瑤玳幼結成明水夜零陰燧凍丹書秋

滿肉枝生腹凝寒露藏虛白影入銀河浴太清擬向嫦娥乞靈藥與君騎向廣庭行

題上清張道士壺洲

錦水東頭觀闌青仙家元不隔滄溟鳳麟洲渚寒凝碧雲霧衣冠夜降靈金醴浸花留客醉玉簫吹月使龍吟看君福地容蕭爽長與魯孫宴幔亭

見雁

雁行新自雁門來遠度平沙陣勢開光祿塞空霜氣冽受降城廢水聲哀烏孫公主歌誰和猿臂將軍射未回今日客中腸易斷不須更上最高臺

送式無外歸高麗

三韓山水有靈暉高秀出斯人了佛機嶽寺禪餘留偈別王城齋

罷戴經歸瓶收滄海降龍入錫度秋空近鶴飛只恐故林雲卧後一鎧秋水木綿衣

送俞伯疇還浙東

四明遊客住京都旅舍青燈照影孤家信幾年黃耳犬鄉心一夜白頭烏却携長鋏辭金水直挂輕帆過鑑湖為問蟲吾王太守別來安穩有書無

鐵笛為孟天暉作

愛此輕圓鐵鑄成何須楚竹選孤生年多化作青蛇色夜靜吹如彩鳳聲絳出碧花凝錯落冷涵金氣發鏗清最宜携向君山去一聽仙翁奏月明

仇遠

一名仁遠字近仁杭州人張仲從之舉從之學詩

潮

一痕初見海門生
頃刻長驅作怒聲
萬馬突圍天豉碎
六鷲翻背雪山傾
遠朝魏闕心猶壯
直到岩灘勢始平
寄語吳兒休踏浪
天吳固象正縱橫

梅

為怕緇塵着素衣
凍痕封葉放香遲
月來忽送欄杆影
春到不分南北枝
喚夢翠禽依樹宿
銷魂玉笛隔花吹
從他萬片隨風去
須有青葉度時

卜居白龜池作

一琴一鶴小生涯
陋巷深居幾歲華
為愛西湖來卜隱
却憐春棹又移家
荒城雨滑難騎馬
近市天明已賣花
阿母抱孫閒指點
疎林盡處是栖霞

黃鎮成

字元鎮昭武人後至元間居金原山放情詩酒所著秋有聲集

衛山亭晚憩

平池雨初晴日暮
春水深殘霞墮空闊
月光已沈驚波驚沒
濯魚過影窺翔禽
芰荷綠參差嘉水縣
清陰但起垂綸想
遠生江海心小大
固有殊方歌無古今

南田耕舍

離南山田采山下
綠茲晨涼風發秋氣
已可掬美人平生
親零落在空谷顏色
不可見何由踵高躅
我耕南山田我結南山
屋下一山擷桑麻
上山友麋鹿還肯過
鄰家鄰家酒應熟

江仲謙恒德堂

江君世令族家在君山
陽君山四千仞上有
白玉牀雲氣出陰

壑靈苗產陽固仙人時往來石室留禁方江君往得之歸為恒
 德堂九轉空青砂沃以神樓湯散入刀圭七冬炎夏清涼天閱
 一以合吾心乃夷康四海患痿痺齊民生痛瘡國醫敢束手忍
 視同膏肓大山多靈藥食之可年長安得往從君吹笙住葑房

贈秋崖上人

開士黃金剎齋房白雲外尋師天台山柿葉寫經咀凌晨餐正
 陽玉屑和沆瀣飛錫到城市刀圭起沈瘵逃名師伯林隱顯謝
 流輩有時栖石室宴坐真空界行藥度幽澗秋雲濕霞佩我欲
 往從之高蹈塵宇隘他年嵩少間揮塵一投芥

劉伯熙清溪圖

鬢脫塵鞅繫結此清溪居偶從農圃鄰時讀種樹書聽瀑掃松
 石眠雲依草薑韜琴自無絃直鉤不在魚未知穹壤間寵辱當

何如

贈何萬里

瀧流繞羣山如戟黃茅峒深秋霧黑幽篁蔽空甍鬼嘯絕磴下
 水沙蟲射生猱持刀跣雙足出入如飛改荆棘官軍相持不敢
 殺年々出洞來為賊何侯駐身諭厥渠深入不用一卒驅椎牛
 釃酒拜縣令叱散散部伍從降書君不見伏波將軍征伍溪瘴雨
 濕衣歸櫂遲又不見令公單騎褫敵魄萬馬不嘶邊月白古來
 豪士立奇功何侯身老心力雄上尊襲衣拜賜畢歸釣白雪清
 渭中

李將軍歌

李將軍少年意氣輕雲青絲絡馬黃金勒寶劍錯鏤交龍文十
 二高樓連廣道千金結客大梁門昨日彎弓連白羽射殺南山

宋元詩會 卷之八十一
白額虎歸來饗士酒千鐘自向青樓按歌舞前年起兵從義旗
斬將陷陣身如飛上功幕府久未報有酒不樂當何為

莫徭行

莫徭射生蠻峒谷窄袴短衣雙赤足前年應幕作官軍惡少如
雲學裝束千村一過如蝗落婦滿軍中金滿橐勇冠擊碎且勿
嗔鄰寇不虞我所託

分題送黃汝楫

冉：孤生竹生在崑崙之嶰谷直節離：出地深寒梢蔚：參
天綠竹高不受霜雪侵願君同此歲寒心竹管可作簫韶聲願
君吹作鳳凰聲鳴致時雍九奏方知孤竹功

春日山行雜興二首

山郭晴光遠臨高逸興賒路經梅鶴地春入種桃家石頂尋雲

母松根飲雪花故人留宿處朝飯有胡麻
山翁留客住自說樂年餘日養公男舍春耕稅主田雨泥朝過
鹿山木夜啼鷓鴣黍煩相勞桃花出釣船

春雨南田書事二首

流水三椽舍桑陰五畝田飯香分野確茶熟候山泉石榻看雲
坐谿窻聽雨眠桃花川上路應有釣魚船
水圃通鄰巷柴門接野樓蹊賣新歸早市行餉汲寒溪野鷺山前
落林鶯雨外啼客來渾不答孤絕正幽棲

鉛山早行

早起辭林館鄰鷄已再啼月弦當戶直斗柄插山高細濕侵藜
杖輕寒襲布袍前趨東日表五色動雲濤

三華吳宜甫桃谿雜詠

樓閣依山外高居白日長樹陰浮石潤雲影入江涼宴坐涵千古遐觀納八荒此時天籟寂虛白自生光

登南山蘭若

開基臨絕頂居與鹿為羣一迳落紅葉萬山生白雲石梁秋蘚合茶竈午泉分此地多苓木長應侶隱居

題紫雲山居二首

樹老秋仍露山空晚更蟬雨添春藥水雲濕種瓜田對榻僧長坐聞鐘客未眠自應麋鹿性疎散野林泉
伏日不知暑泉流山四圍竹風渾却扇松雨欲添衣逸老為家好逃喧過客稀虛亭無戶牖丹：白雲歸

題朱澤民画山水

與客浮湘水琴書共一舟雲間雙樹繞天外數峯秋指顧銷塵

憲樓遲發權謳未知身是画明月滿滄洲

麻姑山

絕谷寒聲淺陰堂翠色交榻書摩蘚石炊黍指烟梢瀑落投龍洞雲歸養鶴巢未能招我隱何用解人嘲

東陽道中

出谷蒼烟薄穿林白日斜岍崩迂客路木落見人家野碛寒春水山橋枕棧沙前村烏柏熟疑是早梅花

寄雷隱上人

最憶高人住翠微萬岳千岫雪消時林階月在行香早石屋雲多出定遲棲樹有僧留聽法看泉無客和題詩松閤不鎖容相扣定覓春山食紫芝

春日東行

青郊冉冉散晴暉
芳樹頻聞一鳥啼
山驛水流花落盡
石田雲暖麥抽齊
禪房鑿路當品半
釣屋維舟近竹居
西行過野橋人語
近尋源應到武陵溪

題秋江把釣圖

獨載輕帆過碧川
一輪牽動楚江天
蘆邊有月還吹笛
柳外無風不繫船
留火夜然湘竹岸
得魚朝送酒家錢
十年湖海真如画
亦欲狂歌一扣舷

舟過石門梁安峽

畫船頭載酒迴滄洲
斜日隔風埃一雙白鳥
昔人去無數
青山似馬來
天際雨帆梁峽出水心
雲寺石門開
同遊有客如高李
授簡惟慚賦峴臺

送憲幕陳時中分題得平章河

海國猶傳利澤功
滄溟縹緲百蠻通
潮來估客船歸市
月上人家水浸空
析木星辰三島外
搏桑宮殿五雲東
河梁此日重携手
目送靈槎萬里風

金原先壑之側得湧泉甘潔

山下樓流泉冷沁冰
滌荒開甃貯甘澄
穴通海眼魚龍沸
波溢田膏雨霧蒸
茶鼎夜寒分石乳
藥鏡春暖洗雲層
尋幽有約烟霞伴
萬壑千岩擬共登

章素嶺

三華西上章素嶺
鳥道凌空最阻修
從龍雲氣皆在下
旋蟻天文如上浮
花竹一家巢絕頂
烟塵九點認齊州
欲尋王子營丹處
玉宇高寒不可留

題定武蘭亭

蘭紙香隨玉匣遺寶書天上世難知狼烽幾墮昆明劫蟬翼猶
傳定武碑曉雨苔花侵島石秋山柿葉費臨池東都已往誰能
繼神物終煩謹護持

鼓山靈源洞

劣削峰頭萬丈梯上方高與白雲齊青山盡處海門闊紅日上
來天宇低唱水無人空宴坐摩崖有客謾留題飄然欲御長風
去一笑何煩過虎溪

三山九日示鐵克剛

九日南州尚滯留高風寒雁獨登樓自憐白髮難為客欲買黃
花自負秋南國美人鸚鵡賦北庭公子驕驕裘不愁大地風霜
苦更擬吹笙過十洲

乙亥潤十二月重改仍至元

玉殿垂衣儼典墳香雲承澤泱乾坤歸餘不數秦終閏紀歷重
瞻漢後元萬里耕桑環海域一溪漁釣老烟村願聞龔魯為州
邑亦欲承風造羨門

秋風

秋風淅淅生庭柯蕭蕭木落洞庭波紅樹夕陽蟬噪急白蘋秋
水雁來多王孫不歸怨芳草山鬼欲啼帝女蘿黃葭蒼蒼白霜
下望美人兮將奈何

錢塘

雨過高風發屋聲吳中暑退即寒生晴光入眼園林薄夜氣侵
人枕簟輕寺鐸呼風霄自語鄰機織月曉猶鳴江湖處悲秋
客起來歸裝不待明

贈葉山人

仙岩溪上葉山人手佩青囊太古文北極地從林邑下南條山
到蜀江分尋源屢識蛟龍宅探穴長隨虎豹羣更約秋風清霽
日與君高蹈萬重雲

贈曾鍊師

聞說玄都曾鍊師曾從海上識安期遊山採藥辭家早掃石看
雲出洞遲醮罷每棲雙鶴樹丹成時浴九龍池長年別有壺中
樂消得仙人幾局棊

送伍如赴烏蒙右文教授

西去烏蒙幾驛程平生江海壯遊輕泮河水入蠻雲暖越雋山
連楚樹晴已載國書通累譯更推王道淑諸生他年聽說殊分
方事綠鬢相看畫錦榮

用鷲峯師韻送澗泉上人遊三首

天台山上綠虹橋山下桃花帶飄露仙客雲霞迷舊路化人宮
殿現層霄穿林夜氣香為蓋冠嶺晨光錦作標若到上方應駐
錫遙聞法鼓動春潮

右天台

潮音海洞日盤陀送子東遊奈別何日上扶桑天不遠雲連析
木地無多水王猷寶開丹穴星使通槎泛白波見說蓬萊清淺
處便從鵬翼起秋河

右盤陀

去禮文殊寶刹開倚空蠻岫鬱崔嵬金函奉旨傳香至白纒圖
刑形載法來心鏡象懸天外月教筵獅吼地中雷還將拂子問拈
起更上繡絰第一臺

右五臺

谷口

谷口橋邊日未斜先尋宿處盡梅花分明聽得吹長笛紅
欄第一家

南田夜雨

四簷春雨夜浪浪、記得吹笙近竹房三十五年江海夢又隨歸雁過瀟湘

樵陽雜咏二首

歌權曾窮九曲源精廬迢迢隱屏前間尋五曲樵谿上三十六峯秋滿船

羽客丹成去此臺猶聞聲笙鶴夜歸來幾回欲問臺邊月晴雪梅花冷自開

吳景奎

字文可娶之蘭溪人其姿雄逸其識通明好學苦吟于前輩大家詩格無不摹擬當其得意往往似之金華宋景濂為序葯房樵唱所言如此喻鳩子名履亦能詩有父風

東村五畝園荒穢久不治荷鋤種豆苗愛此膏土肥森然已甲折保之若嬰兒羣鳩競拂羽俛啄思無遺傍麾雖稍却投間復在茲一啄不汝惜再啄苗已稀剗我心上肉充汝腸中飢汝飢誠可憐繒燉那忍思桑林正沃若桑椹方垂、椹熟可醉飽林深無危機恩怨茲釋斯園勿重窺鳩鳴對此以臆羣然亦高飛

采菊

爽氣浮西山風烟澹原濕悠然出衡門佳節逢九日象草萋以青黃菊正秋色采之不盈把妙意良自得謂能制頽齡可泛忘憂物驩馬命壺觴萬事付酣適永懷東籬人俛仰已陳迹

四時詞

青黃宮中花鳥使沓翠霏紅教鶯語移春檻小度芳華金犢車輕裁歌舞曲房夢斷章臺月東風不解丁香結鑰魚夜守蒼琅

根海棠飛落胭脂雪

輕紅流烟香雨足新槐影轉勾欄曲水晶簾箔度熏風黃吻烏

衣語華屋掠簪墮髮初破睡粉痕淺護修蛾綠並禽不受雕籠

宿背人飛向荷陰浴

鳳凰枝頭一葉飛碧疏朱紱生涼颺素紈團：恩愛衰舍宮嚙

羽吹參差瑤階露華霑履綦星河月帳愁別離粉筵歡笑占蛛

絲

八姨手折搏樹枝枝海天凍合青玻璃瓊樓仙人喚籐六夜入銀

潢剪瑛球沈香火暖錦承塵回羅羔酒生春粼宮溝不寄題紅

怨日映五紋添弱線

旅夜 二首

旅逆頻看鏡秋來白髮生孤雲渺何許遊子獨闕情野迴鷄三

唱霜寒雁一聲此時愁絕夢度江城

秋宵不成寐缺月向人斜更漏傳三鼓寒燈落一花窮愁長伴

客幽夢只還家烽火何時息吾生未有涯

風雨赤城旅夜書懷

吾兒為客在黃山我向丹丘歲又闌千里鄉闕家信遠一燈風

雨客羶寒衣鉤石角難行路船趁潮頭易上灘須信故園歸去

好梅花相伴竹平安

桐灘月夜舟中聞琵琶

湛：長江上有楓予懷渺：水雲空未諳浦逢高婦勝喜桐灘

有釣翁歌枕醉眠秋渚月挂帆爭趁夜潮風曉寒難結思歸夢

一尺清霜壓短篷

寓錢塘寄呈元禮叔父

遊子辭家負薜蘿故園春物近如何他山杜宇客懷惡清夜竹
林歸夢多荃蕙化茅成楚怨牛衣扣角起高歌遙知病後無情
思莫遣愁邊添雨鬢

和韻春日二首

雨香雲淡燕泥融珂馬如行畫中江上數峰浮暖翠日邊繁
杏倚春紅鶯花世界惟消酒水榭簾櫳易受風陌上遊人皆倒
載寧湏拍手笑山公

遊絲舞蝶共徘徊野馬空濛拂面來風雨偶成晚霽園林何處
不花開江橫羅帶銀鷗起雲想衣裳玉女裁賸喜麻姑能送酒
只愁門外索空壘

姑蘇臺

烏喙難忘石室囚苧蘿西子入長洲鳴夷若累姦臣麋鹿安能

此地遊落日當門縣目恨遠山顰黛捧心愁後人俛仰悲陳迹
獨倚欄杆對虎丘

葺山中故廬有感

溪上仙人有故廬昔年經始最勤劬弟兄已作辭家燕林木誰
瞻爰屋烏墻角蓬蒿迷町疇檐牙風雨老枝梧百年堂構真吾
事未讓楊雄宅一區

紫岩寺

布古木迴岩障綠陰此中知有小叢林懸崖置屋依空曲繞澗穿
雲入窈深蒼葡萄香來清鼻觀蓮花色淨悟禪心寶坊亦有差徠
及從此應無布地金

次韻過表忠觀

龍鳳山前一迳長錢王宰木鬱蒼蒼英雄何用作疑塚富貴不

如歸故鄉錦繡湖山猶髣髴麒麟荆棘已荒涼表忠觀裏豐碑
在異代文章尚耿光

嚴士貞

崇陽人字正卿別號寄安菴生平貫穿經史旁通仙釋之
書其于詩能自暢所欲言痛懲蹈襲之陋所著桃溪百咏
當時爭傳誦之

香霧亭

香霧遺基尚宛然春來惟見草芊芊一庭花影留禽語半畝松
陰借鶴眠鬱鬱新篁呈曉露依依高柳拂晴烟尋芳誰記前朝
事謾想風光似昔年

遺文臺

支筇訪古入祇園靜看先賢筆法玄迥若怒猊馳抉石雄如老
驥渴奔泉山藏宿雨蒼碑潤僧打遺文字筆墨鮮文字性空忘結

習却來重了住山緣

劈箭橋

山際飛梁似跨黿漚麻池湧帶奔濤林間嘯虎風初起洞口猿
啼月正高未把機鋒酬劈箭閒拈落葉泛輕舸朝來獨向溪頭
立添得桃花浪半篙

羅漢岩

谷遂山深雲作堆水宮窮處梵宮開隈岩藏石何年轉飛錫高
僧近日回翠竹黃花皆佛事斷橋流水小天台超然步出松閣
外塵世紛紛付劫灰

白羊洞

絕頂高寒境界幽倚筇舒嘯豁吟眸遠林筍蕨香初動夾道松
杉翠欲流赤豹啼時山月曉白羊眠處洞雲秋鄉民歲乞靈泉

水一滴天瓢徧九州

廣仁院

幾度尋幽到此山城根清留響潺、僧遊南岳經年別門對西
溪盡日間水氣引涼生竹榻禽棲帶暝入松闕要知自性元無
二何用楞嚴辨入還

棲真院

梵香香、隔溪聞金刹晴嵐午未分荒蘚沿階留淺暈殘花墜
水起圓紋蒼鯨吼破千山月白鳥衝開半嶺雲却羨老僧忘世
慮結跌相對倚爐夷

寶林院

斷香浮月暮鐘微石徑生苔履齒稀犬吠白雲知客至猿升青
嶂翫僧歸空山振錫金鬘響深夜譚禪玉塵揮一自心、相繼

後宗門誰更說傳衣

廣德觀

瑤臺瓊館古未砂知是神仙第一家不向山中餐柏實却來溪
上看桃花玉壺春暖融丹液金鼎朝寒護碧霞須待三千功行
滿御風同駕五雲車

望仙觀

樓閣崢嶸接斷阡旌陽曾歷舊山川飛神謁帝三清所拔空凌
空八百年夜醉人皆迷炭婦晝眠余獨愛茶仙倚然獨倚闌干
久如在西山烟雨邊

朱名世

字晞顏吳人出身武曹而喜言詩嘗泛海作鯨背今俱七
言絕句專記大海風景每首之末綴以成言蓋滑稽也

東洋

東溟雲氣接蓬萊徐福樓船此際開應是秦皇望消息采芝何處未歸來

乳島

遠望渾如兩乳同近前方信兩高峰端知不似鷄頭肉莫遣三郎解抹眉

沙門島

積沙成島浸空蒼古祀龍妃石崦東亦有遊人記曾到去年今日此門中

萊州洋

萊州洋內積浪頻高可鐵千尋繫不牢傳與海神休恣意二三月水作波濤

尋鯨

萬艦同艚在海心一時相離不知尋音夜來欲問平安信明月盡花何處尋

落篷

潮信蓬留風力慳慳篷落少歇浪中間殷勤為向梢人道又得浮生半日閒

遼陽

遼陽別是了乾坤東望瀛漫遠浪奔問道錦州何處處是牧童遙指杏花村

分艚

高句遼陽各問津半洋公路可傷神風帆相別東西去君向瀟湘我向秦

西



